



40% OFF
2015 DIARIES
& YEAR PLANNERS



THEODIST
THE STATIONERY SUPERMARKET
WAIGANI DRIVE, PORT MORESBY
Ph: 313 9000 / 7232 1300 Fax: 325 0302
Email: sales@theodist.com.pg
MARKHAM ROAD, LAE CITY
Ph: 472 5488 / 7091 7854 Fax: 472 7838
Email: saleslae@theodist.com.pg
Website: www.theodist.com.pg

INSAIT:



Sopman bilong Jiwaka - P3

Ol poto bilong Ista wiken - P6

Dinau bilong kantri sanap long K15b

Stanley Nondol i raitim

KANTRI i no mekim inap mani na i sot long K2.99 bilien long sapotim baset. Osem na i kisim moa dinau long sapotim baset we i kisim dinau bilong kantri i go antap moa long K15 bilien.

Dispela i kamap bihain long prais bilong oil long wol maket i pundaun.

Tok lukaut nau i go long gavman long yusim mani gut long ol infrastraksa projek we planti pipel bai kisim sevis long en.

Dairekta bilong Institut ov Nesenel Afeas (INA), Paul Baker na oposisen lida Don Polye, i mekim wankain singaut long gavman long no ken yusim mani ausait long baset, na stretim 2015 baset bikos prais bilong oil we LNG i salim i pundaun.

Na kantri bai no inap bungim inap mani long mekim wok aninit long 2015 baset.

I go moa long pes 20



Laipstail

Plesman wokim mani taim bagarap kamap long eria...



- P8

Ista kam gut...



Olgeta manmeri, pikinini, kalabusman, wokmanmeri na ol yut i karim diwai kruse long tingim dai bilong Jisas Kraus long las wik Ista de. Hia olgeta i kam bung na sanapim kruse long wanpela hap long Pot Mosbi siti na beten na kra i long pen Jisas i bin karim taim ol i krusifaim em. *Poto: Nicky Bernard*



SP HUNTERS

now on **tvwan**

Purchase a Digicel Play Box today K169 and get front row seats to all the action

WWW.TVWAN.COM.PG

available on
Digicel **play**

Malnutrisen em i kilim pikinini Isi isi

Frieda Sila Kana i raitim

“MALNUTRISEN o sik bun nating i wok long go antap yet long NCD bikos ol pipel i no gat inap mani na kaikai na populesen i wok long to antap bikpela hariap na ikononik sindaun bilong ol pipel i no gutpela tumas,” wanpela dokta long Pot Mosbi Jeneral Haus sik Wod bilong ol Pikinini i tok olsem long dispela wik.

Long taim bilong lukluk raun bilong Rijinal Dairekta bilong UNICEF, Daniel Toole long PNG dispela wik, em i go lukim ol pikinini long Gastro-Malnutrition wod bilong ol pikinini long PMGH wantaim Helt Seketeri, Pascoe Kase na Deputi Seketetri Dokta. Paison Dakulala na ol lain bilong UNICEF na ol bikpela dokta bilong PMGH.

UNICEF nau i wok long givim saplai bilong imejensi susu F75 long wod bilong ol pikinini long helpim ol pikinini husat i kisim sik bun nating long ol i no kaikai gut long taim ol i bebi yet aninit long 5 pela krismas. F75 susu em i olsem wok long helpim ol bebi i kamap strong inap long ol i kaikai gen na bai ol i lusim haus sik. Tasol ol



Rijinal UNICEF Dairekta, Daniel Toole i go lukim ol sik bun sating pikinini long Gastro-Malnutrisen Wod long Pot Mosbi Jeneral Haus sik long dispela wik.

dokta bilong pikinini i tok planti taim 4 pesen bilong ol dispela pikinini i save dai

NDOH i givim tok promis long baim ol susu tasol em i no mekim yet olsem na UNICEF i wok long baim na givim imejensi stok i go long wod yet.

Wanpela nes opisa husat i save

givim ol susu long ol bebi long wod i tok olsem ol bebi i kam stap na kisim dispela fomula susu em insait long tupela wik ol i orait na go bek long haus. Tasol Ekting Nasing Yunit Kodineta bilong wod bilong ol pikinini Sista Angnes Agebigo i gat bikpela warai tru long wanem ol dispela bun nating pikinini i slip

long wanpela wod tasol wantiam ol lain i gat sik TB na tu ol lain i gat sik MDR TB we em i save bikhet long marasin na sut.

“Yu ken givim kaikai na gutpela susu tasol kaikai bai i no inap long pait wantaim TB MDR binatang. Ol bebi wantaim sik bun nating i stap long wankain wod wantaim ol pikinini i gat strongpela sik TB na taim ol i kisim dispela binatang em bai hat long ol i winim bikos bodi bilong ol i no strong long rausim,” Sista Agebigo i tok.

Dairekta bilong Medikal Sevis, Dokta Mokela i tok haus sik i gat wanpela TB wod haus we LNG i bin givim i kam pinis tasol ol i wok long redim yet long opim. Em i tok klostu taim nau bai em i redi ating olsem long pinis bilong dispela mun, na bai ol i kisim olgeta T.B sik man na meri na ol pikinini i go insait long dispela wod.

I gat wanpela bebi husat i gat tripela wik tasol nau em i stap long haus sik bikos em i kamap hariap tumas na em i liklik tru na bun nating. Taim mama i karim em ol helt woka long long karim pikinini wod .

Bebi Anthony Awawa i bin kamap hariap tumas na ino long taim bilong em stret. Tasol hausi sik i

salim em go long haus bihain tasol long wanpela de long em i bon. Taim em i go long haus na kam bek long riviud dokta i lukim olsem em ii no dring susu bilong mama bikos maus bilong em ii no gat strong. Dokta i salim em i kam long wod bilong ol pikinini na nau bihain long wanpela wik bilong dring susu marasin em i kisim strong inap long em i kisim susu long mama bilong em yet.

Dokta Pierre Signe, Sif bilong Child Survival na Developmen Program bilong UNICEF long PNG i tok UNICEF na NDOH i save long wanem samting ol i mas mekim na ol i nap long mekim tasol wanem as na wok ino inap long kamap?

Wanpela nes opisa bilong Malnutrisen wod i tok, malnutrisen em i namba tu sik long kilim ol bebi aninit long 5-pela krismas. Namba wan em pekpek wara na T.B em namba tri. Mak bilong malnutrisen long Pot Mosbi na long arapela hap bilong kantri i wok long go antap bikos populesen tu i wok long go antap.

Malnutrisen em i wanpela sik i save kamap long no gat mani na gutpela kaikai na gutpela wara na klinpela ples long stap.

Woksop i painim aut rot long apim prosekusen

OL lo na jastis sekta i plenim wanpela woksop we Australia gavman i fandim long painim aut ol rot o plen bilong apim mak bilong gutpela prosekusen long mekim save long ol kriminel na ol komyunit bai i seif.

Dispela woksop long las mun i bungim ol man i makim opis bilong Pablik Prosekuta, Royel Papua Ni-

ugini Kontabulri, ol Mejistret Sevis na Dipatmen bilong Jastis long painim gutpela ol rot long apim ol mak bilong ol meta i bai sanap long trail long Nesenel Kot.

Dispela woksop i kamap taim Pablik Prosekuta, Pondros Kaluwin, i lukim olsem namba bilong ol kriminel meta i stap long

trail long Distrik Kot long 2013 na 2014 i go daun.

“Bungim olgeta pati long komitel proses long serim ol salens na tingting bilong mipela long helpim mipela long painim auto l rot long stretim jastis sevis bilong ol pipel long Papua Niugini,” Mista Kaluwin i tok.

Em i tok moa olsem ol i sevim ol

komyuniti gut taim jastis i go bikpela long ol viktim o husat i kisim bagarap.

Ol save man bilong lo na jastis bai stat long bihainim ol rot o plen ol i painim aut long woksop long stretim dispela komitel proses olsem polis na prosekuta bai wok wantaim long painim ol raskol

pasin i kamap na redi long prosekutim ol.

Gavman bilong Australia i givim teknike na fainensel sapot long PNG lo na jastis sekta insait long Strongim Gavman Program, wantaim PNG_Australia Lo na Jastis Program- Trensisen Program na PNG-Australia Polising Patnasip.



Ol pipel i stap insait long woksop.

new SERVICE

SPREADING OUR WINGS TO KIUNGA, MT HAGEN & LAE.

Introducing our new service from **Kiunga to Mt Hagen & Lae**, with connections to the Islands.

Fares from as low as: **UNG/HGU K409***

Fares from as low as: **HGU/LAE K321***

Call toll free on **180 5465** visit www.airniugini.com.pg or contact your nearest Travel Agent.

5 times a week

LinkPNG

K1 milion long kirapim Jenda Bes Vailens trening senta

POT MOSBI i kisim K1.1 milion i kam long Gavana bilong Nesenel Kapital Distrik long kirapim Famili na Seksual Vailens Eksen Komiti Seketeriet na GBV trening senta

Dispela bai helpim long kirapim Famili na Seksual Vailens Eksen Komiti Seketeriet long Pot Mosbi na em bai mekim wok bilong stopim jenda bes vailens an long bringim gutpela sevis long ol lain husat i kisim hevi bilong jenda bes vailens.

Dispela trening senta bai kamapim gutpela ples long ol lain bai kisim namba wan trening long ol GBV sepselis i kam long ol kain

kain gavman na non-gavman oge- naisesen.

I gat gutpela sapot nau i kam long sait bilong mani long kirapim dispela wok bikos ol woklain bilong Dipatmen bilong Komyuniti Developmen wantaim Famili na Seksual Vailens Eksen Komiti na UNDP insait long kantri.

Em i mekim ol provinsal gavman i putim mani i go insait long wok bilong FSVAC seketeriet long olgeta hap bilong kantri olsem NCD, Milen Bei, Morobe na Jiwaka. Insait long NCD UNDP i wok patna wantaim UN Meri na NCDC jenda des long givim teknikal sapot.

FSVAC Seketeriet, wanpela wok bilong asples PNG yet, i gat wan-

pela kain nupela wok we i kisim mak bilong wol insait long miting bilong komisen bilong Stap bilong ol Meri long Nu Yok siti long Amerika. Seketeriet em bai kamap olsem ples bilong stretim ol hevi bilong jenda vailens na long mekim wok autris.

Em bai lukautim wok bilong Wan Stop Sop, strongim ol wok wantaim ol narapela bikpela lain long wok wantaim long helpim ol lain i kisim hevi, lukautim wanpela databes bilong stori bilong ol lain i kisim hevi na long lukautim gut hait stori bilong ol klaien na long givim gutpela sevis long stretpela wei.

Ol memba bilong NCD Famili na Seksual Vailens Eksen Komiti i

kam long ol gavman opis, sivel so- saiti oge naisesen, sios oge naisesen, na ol lain i makim praivet sekta husat i save laik long daunim bikpela hevi long jenda bes vailens insait long PNG. Seketeriet bai i ken givim sotpela taim haus na mekim isi long kisim ol sevis na em bai op long 24 haus na de wik. Em bai gat SMS alet sistem na bai i gat GBV Trening Senta we em i nupela samting olgeta long Papua Niugini.

"Yupela olgeta i save long poli- tikal asenda bilong mi em long tok strong long pasin bilong vilaens o pait pasin long komyuniti na moa long man i paitim meri o meri long komyuniti. Opis bilong mi i gat

strongpela tingting long senisim dispela kain pasin, tasol yumi ol- geta i mas wok bung wantaim long bringim dispela bikpela senis. Sapos i no gat pasin bilong pait bai developmen i kamap gut bilong ol- geta gel, boi, pipel wantaim dis- abililiti na ol lain i stap long laip bilong kisim bagarapim nating."

Residen Kodineta bilong UN, Roy Trivedy i tok: "Em i wok bilong olgeta bilong yumi long olgeta hap laip bilong yumi. Sapos yumi mekim wok bilong senisim tingting, trening na kamapim ol wok em yumi ken helpim long strongim ol meri long lidasip insait long Papua Niugini."

Hela FSVAC stretim rot bilong helpim ol meri

HELA Famili Seksual Vailens Eksen Komiti (FSVAC) i putim wok bilong painim rot bilong helpim ol meri husat i kisim bagarap long pasin bilong paitim na bagarapim meri i go pas tru.

Bihain long wanpela komiti miting long las mun, Hela Provinsal FSVAC i pasim tok long em bai putim ol nupela rot bilong helim ol lain i kisim bagarap long go long haus sik.

Ol lain memba husat i bin kamap long miting em ol lokal na nesenel lo na jastis enjensi, ol lokal na intenesenel non- gavman oge naisesen na Hela Provinsal Edministresen.

Ol lain i makim Provinsal Dairekta Komyuniti Edvensmen, Tai Lawe, nupela FSVAC Siaman, na ol i toktok long rot bilong kisim helpim i mas kamap namba wan.

"Namba tu bikela tingting bi-

long komiti em long mekim bikpela moa awenes long ol pipel bai luksave long Lukautim Famili Ekt, we sampela hap bi- long en em bilong ol viles kot na Distrik kot long yusim.

Antap long dispela, bai i gat wanpela luksave wok i kamap long ol sevis bilong ollain i ka- maut long pasin bilong vailens long famili na seksual vailens long painim ol sans long kamapim gutpela wok we ol Dokta i go at mak (MSF) i mekim long Tari Haus sik Famili Sapot senta.

Australia Gavman i givim mani na teknikal sapot long stretim ol sevis i go long ol lain i kisim bagarap long famili na seksual vailens olsem bilong strongim lo na jasis sevis long PNG-Australia Lo na Jastis Patnasip.

Lokal sop marasin man bilong Usino

James G. Kila i raitim

PLANTI manmeri husat save ran long PMV bas namel long Usino maus-rot na Walium stesin long Madang-Ramu haiwe long Madang provins save lukim dispela man ol i kolim 'Sop man' i save ran long wilwil bilong em.

Nem bilong dispela man em Mause Purai, na em lokal marasin man bilong ples.

Em i save wokim sop long lip bilong bus diwai na kokonas wantaim ol smel rop na marasin bilong bus long oraitim ol lain.

Mause i gat planti kas- toma em ol manmeri long ples we ol sop na oil bilong em i save rausim ol sua o wait-spot na girile long skin bilong ol. Sop bilong em save mekim ol skin i kamap gut.

Fran long baisikol bilong em i raitim long wan- pela hap timba na i putim olsem 'Soap Man'. Dispela sain em long soim ol lain olsem dispela bagaros ya em man bilong salim ol sop marasin na husait lain i gat laik i ken stopim em tasol na baim ol marasin bilong em.

Wantok Niuspepa i bin bungim dispela ruel sop- marasin man na i long kisim stori long em. Em i tok em i kisim skul long wokim sop long ples yusim ol gris, kostik na ol arapela marasin bihain long em i kisim wanpela trening long 2013.

"Mi bin lainim long wokim sop na ol arapela naispela simel oil long 2013, taim wanpela tren- nem bilong em Simon Taki i bin skulim mipela," Mause i tok.

Em i tok bihain long dis- pela trening em i go long ples na yusim ol save em kisim long skul na tu kamapim sampela aidia



Sop-man Mause Purai wantaim wilwil bilong em i raun namel long Usino na Walium.
Ol poto: James G. Kila

na tingting bilong em yet long wokim sop i gat kala bilong em na smel bilong em yet.

Ol sop Mause i wokim i ken banisim skin bilong ol manmeri long kisim skin sua olsem buk, sik mis- els, wait spot, kaskas, pimpols, dendraf na ol makmak we i save kamap

long bel bilong ol mama bipo o bihain long ol i karim bebi.

Mause i tok olsem em i wokim ol sop we em i salim long liklik prais tru mak long K2 i go K5 na K10 long ol kontena oil we i gat naispela smel long en.

Planti ol kastoma bilong

Mause Purai em ol distrik pablik sevan long Walium stesin, ol tisa long ol skul namel long dispela hap na tu ol manmeri long ples.

Dispela em bikos ol waswas na tu yusim smel oil bilong 'Soap Man' Mause Purai.



Hela Provinsal Famili Seksual Vailens Eksen Komiti i holim miting.

Heart - to - Heart with PNG's Cardio - Thoracic Surgeon

With the arrival of Dr. Om Prakash Sharma a few months ago to join the team of specialists at the Pacific International Hospital, he becomes the first cardio-thoracic surgeon ever to be based permanently in Papua New Guinea. We caught up with Dr. Sharma as he was inspecting equipment that would be part of his operating theatre at the new Pacific International Hospital up on 3-Mile Hill Taurama, Port Moresby. This means that PIH has the capability to have open heart surgery all year round (More information may be available by texting 7155-8866 or emailing "pihopd@gmail.com")

Could a person's heart still have major blockages even if the person eats only healthy food and has a very "clean and safe" lifestyle? How?

Yes; because healthy diet and healthy lifestyle are some of the preventive, measures but there are so many other risk factors like Diabetes Miletus, Hypertension, High Blood Pressure and Genetic

If you could put a percentage to it, just rough estimations, of all cardiac patients: How many would be treated through medication? Through angioplasty & stents? And through open heart surgery?

One you have blockages in the arteries which are critical ones (that is a blockage of more than 70%) are to be treated only by angioplasty or bypass surgery. Medical treatment is only required if one has associated co-morbidities like, very poor heart function, multiple organ failure. But still only 5% to 10% require medical treatment. 55% are treated with angioplasty & stents and 35% to 40% are treated by bypass surgery.

Could advances in angioplasty one day make all open heart surgery unnecessary?

No matter whatever the advance in the field of angioplasty comes, bypass surgery will still have its role to play. Without bypass surgery, the field of cardiac medicine is like earth without water.



In layman's terms, what basically is like the rule of thumb that would say if a patient is good to be treated with angioplasty and when it must be a case for open heart surgery?

The indications of angioplasty are blockages in one or two arteries or that in too discrete ones. If there are multiple blockages and in multiple arteries then bypass surgery is the better answer.

Secondly if any patient is having blockage in the left main heart artery, bypass surgery is the treatment of choice.

Thirdly, if there is blockage at the origin if any heart artery, which we call Ostial disease, then bypass surgery is the preferred treatment.

Lastly, heart artery blockages in diabetic patients, surgery provides much better results.

After open heart surgery, assuming the patient does have very healthy living afterwards, is there still a chance to have some kind of "remission"? Like some blockages

still form in his heart?

After bypass surgery, with current techniques the patient has longer disease-free interval compared to angioplasty. For 15-20 years there is very less likely chance of remission.

What tells you as a medical professional that a heart is a very healthy heart? What are basic parameters you look out for? Can these be observed also in the bush with minimal equipment?

Healthy heart means if there are no blockages in heart arteries, the heart valves are normal and the heart is pumping normally to its full capacity.

The basic parameter to look for are no chest pain, no breathlessness, performing normal and strenuous activities without any problem.

The ECG should be normal. The 2D Echocardiography should be normal & stress test also should be normal.

With minimal equipment, it is difficult to rule out cardiac disease as sometimes the symptoms may be misleading. But apparently most of the patients who are diagnosed with heart disease may not have any symptoms.

If you were not going to be a cardiac surgeon, what other specialization of medicine had interested you in your younger days? What led you to choosing the field of healing the heart?

Truly speaking, I am a cardiac surgeon because of my wife Dr. Vendana. I wanted to become cancer surgeon during my younger days. Of course, the passion for become a surgeon was there since my childhood.

Frankly speaking, my wife persuaded me in becoming a cardiac surgeon and then I thought that this field of surgery is so challenging and rewarding too. I owe it all to the almighty for giving me all the skills, and to my parents for sup-

porting me, and my wife for helping me in becoming the surgeon that I am.

Any past cases of note you would like to share with us?

I always cherish repairing successfully a case of ruptured heart after a massive heart attack. This is a very rare life-threatening complication. The surgery is difficult as the heart muscle becomes very feeble and it is then like stitching through butter. The mortality of this complication worldwide is close to 100%. The patient I operated on is still alive 6 years after the surgery, and is in touch with me to this day.

Any past patients who achieved so much more in life after their heart operation, and yet before that they were thinking of not being operated?

I distinctly remember of a blind man who was a teacher in a school for the blind. He was a very high-risk patient for surgery and was denied operation in most of the famous institutes in India. He was also very reluctant but very symptomatic. One fine day he met me and asked for help regarding operation. With God's grace I operated upon him, after explaining to him in detail that he may not even come out of the operating theatre. We struggled with him for two weeks but God was on his side and he made it. He is now principal of the school for the blind and living happily with his family. This was and is very very gratifying for me as well.

Could it be possible for herbal type of medicine to change one's heart condition for the better?

Herbal medicine may be part of healthy lifestyle but it cannot change the heart's condition completely

What does the future hold in store for cardiac care?

The future of cardiac care lies in advanced treatment of heart failure. With increasing life expectancy, we can expect more and more advances in the field of treating heart failure in the form of heart transplantations and artificial hearts.



Now in PNG..the country's first Retina Surgeon

3-Mile Specialist Clinics, 3-Mile Hill, Taurama Road, Port Moresby

Advance Equipment for better diagnosis:

- OCT (Optical Coherence Tomography) to study optic nerve and retina.
- FA (Fluorescein retinal Angiography for diabetic and other retinal vascular diseases)
- A/B Scan (Eye Ultrasound) for more precise diagnosis of posterior segment of the eye
- AUTO R/K Automated Refraction and Keratometry

Procedures for better outcome:

- RETINA LASER for diabetic and other retinopathies
- YAG LASER capsulotomy (for after cataract haze)
- Cryotherapy (cryo-treatment)
- Intravitreal Injection for Diabetes

Tel. 311-3000
email:
pihopd@gmail.com
text to 7155-8866

Ista em de bilong tingim Jisas...



Ol lain long banis long Bomana i joinim wokabout bilong kruse long Gut Fraide wokabout we planti tausen Katlik bilip manmeri i bin stap long en las wik.



Ol yut long stesen 10 i karim Diwai Kros.



Sampela ol liklik mangi i pilim tait long wokabaut na kalap long bek sait bilong kar na kisim malolo.



Ol liklik mangi na yut long Waigani i joinim wokabout bilong Diwai Kros long Gut Fraide.



Ol lotu manmeri bilong Mosbi i wokabout wantaim Diwai Kros long Gut Fraide long rot bilong Mosbi.



Ol yut long Stesen 10 long Waigani long Mosbi.

Wingei Senses pipel kisim helt sevis bihain long 39 yia

OL pipel bilong Wingei Senses insait long Wes Yangoru Lokal Level Gavman bilong Yangoru-Saussia Distrik bai i ken kisim gutpela helt sevis bihain long 39 yia olgeta, wantaim helpim bilong Minista bilong Treid Komes na Indastri na lokal Memba, Richard Maru.

Minista Maru yet i opim wanpela nupela etpos long las wik insait long ples Waningu.

Minista Maru, long taim em i opim dispela helt sevis, em i singaut long ol pipel long lukautim gut dispela sevis bilong gavman.

Em tok Gavman bai kam insait long helpim ol pipel sapos ol i lukautim gut ol sevis olsem long klinim na stretim ples we sevis i stap long en.

“Planti pipel husat i kisim rot i go long ol hap bilong i slek long lukautim ol rot na stretim na klinim. Mipela i laikim yu mas lukautim na stretim ol dispela rot na klinim. Mipela i laikim yu long tok tru long mipela olsem yu inap long kisim moa sevis bilong Gavman na lukautim,” Mista Maru i tok.

Wod Kaunsila, Martin Sora i makim ol pipel bilong Wingei Sense na tok tenkyu long Minista Maru na long Yangoru-Saussia Join Distrik Baset Praioriti Komiti komiri long mani bilong wokim dispela etpos we pastaim ol lidaman i no bin tingting long mekim.

Mista Sora i tok long taim bilong koloniel de, ol pipel bilong Wingei 1 na 2, Belmore, Wanigu na ol ples klostu i no gat wanpela hap bilong kisim helt sevis olsem na dispela etpos em i namba wan taim tru long stori bilong dispela ples.

SDA Sios bai lukautim dispela etpos wantaim mani kam long Distrik. Na Minista Maru i tok, sapos i gat gutpela rekot long wan wan de i kamap long dispela etpos, bai em i ken apgretim dispela etpos bihain.

Narapela sevis we em i namba wan tru em long gutpela klin wara na senitesen o toilet.

“Klinpela wara na gutpela senitesen bai daunim rot bi long kain kain sik na bai em i strongim helti laip,” Mista Maru i tok.

Draf Nesenel Malnutrisen Polisi kamap

Frieda Sila Kana i raitim

NESENEL Dipatmen bilong Helt wantaim, Dipatmen bilong Egrikalsa na Laipstok, Dipatmen bilong Komyunit Developmen, Meri na Sios wantaim Dipatmen bilong Edukesen i bung wantaim long kamapim wanpela draft polis bilong Nesenel Nutrisen Polisi

Dispela Malti-Sektorel Nutrisen Polisi 2015-2014 em i kamap wantaim teknikal helpim bilong UNICEF long kamapim dispela draft polis.

Malnutrisen o sik bun nating ol sik bilong bikipela skin i wok long kilim ol pikinini isi long kantri. Dispela em i rausim strong bilong kantri long go het long developmen bilong nau na bihain taim. Sif Seketeri, Sir Manasupe Zurenuoc i tok olsem strongpela malnutrisen i wok long kamapim planti dai na sik long kantri. Na tu dispela sik malnutrisen i wok long mekim ol pikinini i no kamap gut long bel bilong mama yet i kam taim ol i bon na kamap pikinini.

Dispela sik em i save mekim ol pikinini i kamap sotpela tumas na i no gro long mak bilong ol i bihainim krismas bilong ol. Malnutrisen em i save mekim ol tingting bilong pikinini i no kamap gut na skul bilong ol dispela pikinini bai i no smat tumas long taim ol i go long skul.

Sif Seketeri i tok wok bilong rausim sik malnutrisen em i nidim olgeta lain long wok bung wantaim olsem malti-sektorel nesenel nutrisen polisi.

Olgeta 5-pela seketeri bilong ol dipatmen i wanbel olsem dispela malnutrisen em i bikipela hevi tru na olgeta sekta i mas wok bung long kamapim gutpela wok.

Mista Daniel Toole bilong UNICEF i tok i gat 161 milion pikinini long wol krismas aninit long 5 em i sotpela tumas long sais bilong krismas bilong ol.



Minista Maru i sanap long opim nupela etpos long Wingei senses las wik.

2015 Pacific Games **TICKET GIVEAWAY!**

Simply purchase airtime **TOP UPs** via BSP Mobile Banking during **APRIL** to be selected. Customers will be contacted directly with details posted on BSP's Social Media.

TOP UP NOW *131#



20 x general admission double passes plus 1 major pass to be given away weekly.

www.bsp.com.pg  



Plesman wokim mani taim bagarap kamap long eria

James G. Kila i raitim



Sain i stap long K2 haus bilong rent na putim buai em K1 tasol.



Ripota James Kila i sanap arere long bagarap long Aumia riva.



Oi mama bilong Walium stesen go salim kaikai, kolwara na kodiell.



Oi maket bet bilong salim kaikai na ol samting long Aumia.



Sans mani long karim kago na kisim mani bai stop nau.

PAPUA Niugini em i wanpela kain kantri we fri entaprais o rot bilong wokim bisnis na kisim mani i stap, tasol ol manmeri yet mas yusim tingting bilong ol sapos ol i laik kisim mani long gutpela rot o long taim sans bilong kisim mani i kamap.

Olsem na tude, sampela lain i save tok 'yusim het bilong yu'... Na sampela tu i save tok 'yusim het bilong yu, maski pairap olsem pop kon'. Em ol tok pilai, na nupela kain Tok Pisin bilong ol yangpela tude we i salensim ol poroman o meri bilong ol long yusim tingting bilong ol.

Long las tripela wik i go pinis, mi bin raitim ol nius ripot stori long ol bikpela bagarap i kamap long rot na bris namel long Madang na Ramu. Dispela rot em i Nesene! haiwe bilong Madang we ol bisnis i save kisim sevis i kam long indastriel sip bris bilong Lae.

Mi yet mi go stap, lukim na toktok wantaim ol lain pipel long hap na tu skelim ol bagarap i kamap na raitim ripot, we ol arapela nius lain long PNG i no bin ripotim stret, o no gat sans long go long eria we bikpela bagarap i kamap.

Long Tunde Mas 10, bikpela ren i pundaun na kamapim bikpela taitwara long maunten bilong Finistia Rens na i karim graun na bikpela ol pipia i kamdaun na bagarapim 4-pela bris na taitwara i brukim rot na kamapim rot bilong en yet. Ol bris i bungim birua em long Aumia, long Asas, Kesawai na kalvet o simen bris long Dumpu.

Ol bikpela bagarap tru, na ol sevis i stop stret. Ol PMV bas na trak we i save kam na go long Madang Ramu Haiwe i kisim hatpela taim tru.

• **Infomel bisnis kirap**

Wanpela narakain samting we i kamap bihain long dispela birua em ol liklik infomel bisnis we ol asples lain na tu ol lain bilong narapela hap we i stap long ol ples klostu i kirapim.

Ol manmeri i lukim olsem ol pasindia bilong bas i kisim taim long sait long wara, buai na lus simuk na tu kaikai, ol ol lain i kirapim infomel bisnis long ol ples stat long Aumia i go olsem long Asas, Kesawau na Dumpu. Ol ispela ples em ol bas i save senis long kisim ol pasindia na kago i go long hapsait.

• **K2 haus long malolo**

Mi bin go stap long Aumia long skelim ol dispela infomel bisnis na mi skelim ol pleslain i luksave stret long nid long taim bilong birua. Mi wantaim tupela poroman bilong Mobail

Skwat 14 bilong Goroka, Michael Mikes na arapela i bin go long las wik wantaim ol menesa bilong Ramu NiCo, na mipela i laik baim buai na go sanap long wanpela maket haus long Aumia. Antap long long timba ol i wokim haus long en em wanpela sain em 'Haus 4 Rent'. Tru tumas, mi paul liklik, tasol bihain mi stori wantaim papa bilong dispela haus na em i givim stori long mi.

"Mipela i save sasim K2 long nait long ol lain long slip malolo sapos ol i no kalap long bas, na K1 long wan wan beg buai ol i putim insait long haus na slip malolo," Iceman Charles, wanpela long ol lain i gat rent haus long Aumia i tokim mi.

Em i tok ol narapela liklik selhaus tu i gat spes long slip long nait na malolo na ol tu i save sasim rent.

Tru tumas em narakain bisnis tru ya.

• **Mama salim kolwara na kaikai**

Mipela sanap stori yet na ol mama long Walium stesen i karim ol kolwara na kodial long plastik karim ol ambrela blong ol tu na go long Aumia long salim. Sampela i lukim ol mit na ol arapela kaikai na salim long ol lain pasindia i stap wetim bas.

Wanpela mama i tok ol i save kisim gutpela mani long infomel bisnis ol i wokim.

Theresa Goma i tok em save salim kolwara plastik long K2 na olgeta i save pinis hariap tru bikos ol lain buai baiya bilong Hailens em ol gutpela kastoma bilong em.

"Long wan wan de, mi save go bek long haus wantaim K150 olsem," Theresa i tok.

• **Karim kago na kisim bisnis**

Nau ripot mi kisim long eria we bagarap i kamap em rot i op nau na sampela ol liklik PMV bas i ron i go kam. Tasol, tru tumas long las tripela wik bihain tasol long wara tait na rot na bris bagarap, ol yangpela man na meri blong ples i kisim gutpela mani tru. Dispela mani em ol i kisim long helpim ol lain pasindia na ol lain buai baiya bilong Hailens long karim buai beg bilong ol.

Taim mi sanap na glasim ol, mi lukim olsem ol meri i gat grup bilong ol yet long karim beg buai na ol man tu i gat grup bilong ol yet. Ol man i save sasim ol Hailens buai baiya K5 long karim wanpela beg buai.

Praim Minista i bin go long eria long las wik na i tok olsem Gavman i putim K1 milien long helpim ol lain i kisim bagarap long dispela ples, na mani i go pinis long akaunt bilong Madang provinsal gavman long skelim na helpim ol lain bungim hevi.

Ating dispela mani bai go stret long ol pipel i no gat em yumi no save?

Gut Fraide Kruse wokabaut

...Taim bilong glasim wan wan

Veronica Hatutasi i raitim

OL Kristen sios long PNG na wol i save gat ol bikpela sios program, stat long Pam Sande i go long Holi-wik na Ista.

Wanpela long ol em Gut Fraide Rot bilong Kruse wokabaut bihainim pen na daibilong Jisas moa long 2,000 krismas i go pinis we ol Katolik Sios bilip manmeri i save bihainim olgeta Gut Fraide.

Long dispela yia gen long Mosbi, moa long 5,000 Katolik manmeri na pikinini na tu, ol sampela bilong ol narapela sios i bin stap insait 6-pela awa Rot bilong Kruse wokabaut i bin stat long 5

kilok bikmoning long Mari Bareks na pinis long Tokarara Katolik Peris sios long Nesenel Kapitel Distrik.

Olsem long olgeta yia, Pot Mosbi Katolik Asdaiosis i bin go pas long dispela bikpela sios iven, na ol Asdaiosis yut i bin go pas long ol program.

Olgeta peris insait long NCDC, na i gat 14 olgeta, i bin gat sans long kisim ol pre na singsing long ol wan wan stesen.

Bikpela samting long dispela wokabaut em long tingim dai, pen na hevi we Jisas i bin karim long sevim yumi long sinpasin na abrusim yumi long lus olgeta, na kirap bek gen tripela de bihain long Ista

Sande we Jisas i bin winim sin na dai.

Insait long dispela 6-pela awa wokabaut, beten na singsing lotu, em i taim tu long ol wan wan bilip manmeri i glasim laip, sindaun na pren pasin wantaim Bikman.

De i bin gutpela na san i no bin strongpela tumas, tasol ol yangpela, pikinini, ol bikpela manmeri na sampela lapun i no bin wari, tasol bilip bilong ol i bin mekim ol i strongim wokabaut inap ol i go kamap long Tokarara Katolik Sios.

Maski sapos ol i no statim wokabaut long Mari Bareks, planti i bin joinim wokabaut long ol hap rot olsem Namba

12 Stesen i bin sanap wet long Waigani Trefik Lait we planti lain bilong Morata, Waigani, Tenbo na Gerehu i bin kamap na pre i stap inap ol biklain long Mari Bareks i kamap na ol i skruim wokabaut i go olgeta long Tokarara.

Olsem olgeta yia, wokabaut i save stopim ran bilong trefik long Gut Fraide moning inap long 11 kilok samting ol i save kamap long peris ol i makim long en.

Dispela wokabaut i save strongim gen bilip bilong planti Katolik Kristen yut na ol bikpela manmeri wantaim, na planti i save wetim em long kamap.



KAMAP DISAIPEL

LONG Ista Sande 2015, mi bin selebretim Santu Misa long Baruni.

Bihain mi go long Indonesian Embassy long wokim wanpela Ekumenikel Ista selebresen wantaim ol Katolik na Kristen manmeri bilong Indonesia i stap na wok long Pot Mosbi.

Mi yusim wankain stori long skul bilong mi. Sapos long Baruni mi givim skul long tok Inglis, long Indonesian Embasi mi givim skul long tok Bahasa Indonesia.

Mi statim skul bilong mi wantaim stori bilong sampela manmeri i laik kilim ol yet (suicide) tasol i no indai. Mi bin askim ol olsem: "Wanem samting i stap long tingting bilong yu long 4-pela o 5-pela sekon bipo bodi bilong yui i pundaun long graun taim yu kalap antap long bikpela bris o maunten na i go daun long graun?"

Bekim bilong ol i klostu wankain. Ol i tok olsem – "long dispel 4-pela o 5-pela sekon, mi pilim olsem olgeta wari bilong mi, mi no inap stretim long laip bilong mi, nau tasol mi stretim olgeta". Tasol, sampela i tok; "Mi pilim bikpela sem insait long bel bilong mi, long wanem mi bin traim long kilim mi yet."

Situesen bilong ol manmeri i bin traim kilim ol yet, i wankain olsem ol meri bilong Jerusalem i go lukim matmat bilong Jisas long moning taim tru. Ol i pilim pret na sem. Ol i tu bin tingim olsem Jisas tasol em inap long stretim olgeta wari bilong ol, tasol i no gat nau. Ol i pilim sem na sori bilong wanem ol i bin bihainim Jisas.

Tasol pret na sem pasin bilong ol i senis taim ol i harim tok bilong ensel olsem Jisas i kirap pinis long indai. Ol i no stap long matmat na kra i tasol. No gat. Ol i lusim matmat na ran i go bek long bungim narapela disaipele bilong Jisas na autim long ol. Gutnius ol i bin harim long maus bilong ensel nau ol i autim long narapela disaipele.

Tasol long dispela taim ol i kamap strong na autim gutnius namel long ol disaipele bilong Jisas yet. Maski ol i harim gutnius long kirap bilong Jisas pinis, tasol prèt na sem pasin i stap namel insait long bel bilong ol yet. Planti i no bilip strong olsem na ol i laik ranawe long na lusim Jerusalem (tingim stori bilong tupela disaipele i go long Emaus).

Ol i nidim 50 de long kamap strong olgeta, taim Holi Spirit i kamdaun long ol long de bilong Pentekos. Long dispela taim ol i bilip tru olsem olgeta samting ol i tingim i no inap long solvim, wantaim pawa na strong bilong Holi Spirit, ol inap long solvim olgeta wari bilong ol na kamap strongpela disaipele bilong Jisas.

Yumi selebretim Ista olgeta yia, bilong helpim yumi long tingim gen wok marimari bilongn God. Wankain taim yumi bai kisim planti grasia na blesim bilong Ista long helpim yumi save moa na strongim bilip bilong yumi long kamap strongpela disaipele namel long haus lain o familiS na namel long komyuniti bilong yumi.

Wok bilong namba wan disaipele i pinis. i nogat wanpela bilong ol stap namel long yumi yet. Olgeta i dai pinis. Yumi i bin harim Gutnius na givim yumi yet i kamap Kristen. Long wankain taim yumi kamap disaipele bilong Jisas. Disaipele bilong sios bilong yumi. Sapos yumi i no wokim wok disaipele nau, wanem samting bai kamap long generesen bilong pikinini bilong yumi?

God i makim yumi kamap disaipele insait long famili na komuniti bilong yumi. Kamap disaipele i no mak olsem yumi mas karim Baibel, sanap na autim long manmeri. Em i tu wok bilong disaipele. Tasol namba wan wok bilong disaipele yumi wan wan i mas wokim long olgeta hap yumi stap. Olgeta gutpela wok olsem respek long lo na oda, wokim gutpela toktok, na olgeta gutpela pasin yumi wokim, em i wok disaipele bilong yumi.

Ol Katolik Bisop bai holim namba 56 AGM bilong ol

KONPRENS bilong ol Katolik Bisop bilong PNG na Solomon Ailan (CBC) bai holim Anuel Jenerel Miting (AGM) bilong em, stat long neks wik Trinde long Pot Mosbi.

Jenerel Seketeri bilong CBC, Pater Victor Roche SVD, i tok namba 56 konprens bai kamap long Emmaus Konprens Senta long Don Bosco, Mosbi.

Konprens bai ran long 10-pela de, stat long Trinde Epril 15 na pinis long de namba 24.

Het tok bilong dispela konprens em, "Consecrated Life". Ol bisop bai toktok long ol pastorel isu I karamapim sios na pipel long PNG na Solomon Ailan.

Ol bai opim konprens long 2.30 Trinde apinun.

Nuncio Asbisop Michael Banach bai edresim ol bisop long Sarere, Epril 19.

Bai gat stetmen long ol bikpela toktok ol bisop i mekim long dispela bung we samting olsem 30 bisop bilong PNG na Solomon Ailan bai stap long en.

Pop Francis i namba 4 top lida long wol

I kam long Zenit Nius ejensi, Vatican

Fortune Megesin i tokaut long lida bilong klostu tu bilien Katolik pipel long wol, Pop Francis, olsem namba 4 top lida long wol.

Long las yia, dispela megesin i bin putim em olsem namba 1 long 50 top wol lida.

Long namba 2 lista i kamaut tasol, mak we Pop Francis i kisim namba 4 long en em long ol top lida man na meri husat i kamapim ol senis long bisnis, gavman, laikim pipel long wol na moa, megesin i tok.

Megesin i tok stat long taim Pop Francis i kamap hetman bilong Katolik Sios long 2013, "em i wok long seksekim menesmen long wanpela long ol bikpela biurokresi long wol, em Roman Katolik Sios."

Taim ol i luksave olsem ol dispela i mekim em i kisim top mak long las yia, megesin i tok "visen, sanap strong na komitmen long kamapim senis i narakain stret long 2014 na mipela i kisim em i kam insait long dispela yia."

"Em i no soim long eksampela tasol nau pipel i save olsem Pop Francis husat i sempion bilong sariti o helpim ol narapela, i givim ap gutpela ples bilong slip olgeta Pop long bipo yet i kam i save slip long en long Apostolic Palace, na em i save slip long wanpela betrum apatmen long Vatican geshaus."

"Yumi no save tumas long ol bikpela deisisen em i save mekim, tasol em i senisim ol bot bilong Vatikan benk wantaim ol bikpela bisnis pipel long olgeta hap bilong wol," megesin i tok.



Pop Francis, olsem namba 4 top lida long wol.

Megesin i tok em i hat long konim dispela Pop.

Megesin ya i tok Pop i save kisim ol infomesen long ol bikpela sios woklain na ol ogenaisesen long planti hap na em i lukim olsem ol sariti i kisim inap mani. "Dispela, em Pop i toktok na mekim samting," megesin i tok.

Stat yet long taim ol i ilektim em olsem Pop, em i kisim ol luksave namba

olsem, Person of the Year o Man bilong Yia we Time Megesin i givim em, kamap long kava bilong megesin bilong ol Rolling Stone na ol narapela.

Fortune em i wanpela global bisnis megesin we Time Inc. i save pablisim. Ol i bin statim long yia 1930.

Namba wan long lista bilong dispela yia em CEO bilong Apple em Tim Cook.

Pop tingim namba 10 anivesari long dai bilong Sen John Paul 2

I kam long Zenit Nius ejensi, Vatican

EPRIL 2 i bin makim namba 10 anivesari bihain long dai bilong wanpela biknem Katolik Sios lida long wol, em Pop John Paul 2.

Insait long wanpela bung wantaim ol pilgrim bilong

kantri Polan, asples bilong Pop John Paul 2 long Sen Peter's Skwea, Pop Francis i bin luksave long dispela anivesari na tok "Mipela i tingim em wanpela strongpela witness long pen, dai na kirap bek bilong Jisas.

"Mipela i askim em long kisim ol pore bilong ol famili

na sios i go long Bikpela na lait bilong Kirap Bek i ken lait long ol ples i tudak na pulapim yumi wantaim amamas na bel isi. Presim Jisas," Pop Francis i tok.

Pop Francis i bin santuim Sen John Paul 2 long Epril 27, 2014 na stat yet long 15 senseri, em i namba wan

man i no bilong Itali (em i bilong Polan) long kamap Pop, stat long 1978 inap long 2005.

Dispela i mekim em i holim histori long Katolik Sios olsem namba tu Pop i stap hetman bilong Katolik Sios long longpela taim stret.

I mas gat gutpela senis i kamap long ol yunivesiti bilong yumi



KOMENTRI

Long tupela mun nau, yumi lukim ol studen i greduet long ol yunivesiti long kantri. Ol studen long Goroka yunivesiti, ol studen bilong Divine Word yunivesiti long Madang, na long dispela mun bai Yunivesiti bilong Papua Niugini long Mosbi na Yunivesiti bilong Teknologi long Lae i selebretim graduesen bilong ol tu.

PNG i amamas long lukim ol yangpela manmeri i pinisim skul na painim wok nau long helpim laip bilong ol yet, na tu, long helpim kantri bilong yumi. Ol famili tu i amamas bikos ol i lusim bikpela mani long baim skul bilong pikinini inap em i greduet.

Tasol sampela taim ol hevi long ol yunivesiti i ken bagarapim skul bilong ol studen. Olgeta yia i gat kain pasin olsem i kamap na sampela taim ol studen i straik inap gavman i stretim wari bilong ol.

Yumi lukim ol studen bilong Yunivesiti ov Neturel Risos na Enviromen long Vudal i protes long sampela samting ol i no amamas long en na ol i no skul inap 4-pela wik nau. Ol i bin statim protes bikos ol i no amamas long ol samting long skul i lapun tumas o i no inap helpim ol. Na ol i laik dispela yunivesiti i mas givim tok orait long studen representetiv kaunsil (SRC) i mas kamap gen. Dispela yunivesiti i bin rausim SRC long 2009 na ol studen i no gat rot bilong autim wari bilong ol.

Dispela kros namel long ol studen na yunivesiti i no nupela. I bin gat ol toktok i kamap long pasin bilong wokim ol disisen we ol studen i pilim olsem yunivesiti i no wari long sindaun bilong ol. Ol kain hevi olsem i hangamap i stap na i kamapim bikpela hevi nau.

Planti ol studen i amamas long



skul na kisim save long ol eria we ol i go long stadi long en. Planti bilong ol i kisim gavman skolasip na ol i go skul. Tasol klostu foapela wik nau ol i no skul na ol i stap nating.

Minista bilong Haia Edukesen i kisim petisen bilong ol studen pinis. Na bai em i bung wantaim yunivesiti na ol studen long painim rot bilong stretim dispela hevi. Minista yet i tok pinis, em bai lukluk

long tupela eria tasol bikos ol arapela askim bilong ol studen em i samting bilong yunivesiti yet long stretim.

Yumi hop bihain long dispela miting wantaim Minista, ol i ken

stretim tok na ol studen i go bek long skul neks wik.

Dispela protes bilong ol studen long ol samting bilong skul i lapun na ol i no inap helpim ol, em i wanpela komplek bilong ol arapela bikpela institusen tu. Planti yia, gavman i no save givim inap mani long stretim ol haus slip ol ikwipmen, ol laibri, na ol arapela samting ol kain institusen olsem i mas gat long skulim ol studen.

Sampela bilong ol dispela yunivesiti i winim 40 yia nau. Ol i bin kamap bipo long independens o bihain tasol long independens. Na long taim yumi senisim nem na givim nem yunivesiti long ol, planti bilong ol i no lukim bikpela senis. Ol olupela haus na ples bilong skul na ol arapela samting i stap wankain yet. Ol i no luk olsem ol yunivesiti. Ol dispela kain samting i save bagarapim laik bilong ol studen long skul.

Tude teknoloji i opim rot long kisim save na helpim ol studen long stadi gut. Olgeta yunivesiti i mas gat ol dispela samting. Sapos nogat, orait rausim nem yunivesiti na larim ol i stap olsem wanpela trening koles tasol.

Na long ol kain bikpela institusen olsem, lidasip na pasin bilong harim na skelim ol wari na hevi, i mas bihainim demokretik pasin. Givim sans long olgeta i autim wari na skelim gut pastaim na wokim disisen. Pasin bilong wanpela man o komiti tasol i wokim disisen olgeta taim, bai inap kamapim moa hevi long bihain taim.

Ating dispela hevi i kamap long Vudal yunivesiti bai opim ai bilong gavman long helpim dispela institusen i kam antap long level bilong ol arapela yunivesiti long kantri.



Published Weekly, Thursday, for
Word Publishing Company, Ltd.

P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Website: www.wantokniuspepa.com

Pe bilong wanpela via. 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Veronica Hatutasi

Published at
Able Building
Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Mebu Asples Kraiss in Kalsa grup redim drama bilong Ista

James G. Kila i raitim

STRONGIM Kristen bilip long ol yangpela manmeri tude i ken redim rot bilong ol long kamapim gutpela famili, komyuniti na sosaiti insait long kantri.

Dispela em i toktok bilong Siaman bilong Mebu Asples Kraiss in Kalsa grup, Sunea Baguga, taim em i redim grup bilong em long amamasim selebrensen long Ista.

Mebu Asples Kraiss in Kalsa em ol yangpela bilong Mebu peris Biliau seket bilong Evanjelikel Luteran Sios (ELC-PNG) long Raikos distrik long Madang provins i kamapim long promotim Kristen bilip na velyu namel long ol yangpela Raikos distrik.

Baguga i tokaut olsem as tingting bilong ol yut bilong Mebu long kamapim wantaim dispela grup em long senisim pasin bilong yangpela manmeri, husat tude i save go insait long pasin bilong smuk mariwana, dring hombru na



Ol memba bilong Mebu Asples Kraiss in Kalsa grup bilong Mebu peris long Raikos.

ol kain kain pasin no gut we i no gutpela long laip na sindaun bilong ol long bihain taim.

I no long taim i go pinis MSCC i bin lusim ples bilong ol long maunten long Mebu na i bin go soim drama na musik na danis bilong ol long Tugyak elementeri skul long nupela eria bilong Dumbal long Raikos distrik.

Ol memba bilong Mebu Asples Kraiss in Kalsa i gat 9-pela meri na 13-pela man husat i go soim drama na autim tok bilong Papa God wantaim musik na singsing long Tugyak elementeri skul long Dumbal.

Drama grup ya i autim tok bilong God wantaim naispela drama, singsing na danis na tu ol i bilas long tumbuna-

bilas bilong ples stret na kala i kamap nais. Musik bilong ol tu i go swit tru bikos ol i yusim ol instramen olsem kundu, mambu flut na tu pen-paip na olgeta samting we God Papa blesim long kamap i kam orait tasol long samsam bilong ol long Dumbal.

Baguga i tok ol yangpela manmeri tude i nidim Kraiss long stap insait long laip bilong ol. Taim dispela i kamap bihain taim bilong ol bai gutpela taim ol i marit na kamapim famili.

Seketeri bilong Tugyak Luteran Kongresen, Leffy Ovosa i amamas tru long kain nupela pasin insait long Kristen yut na i tok ol Kristen yut grup i mas kirap long wan wan ol peris insait long Raikos distrik, bikos kain ol grup olsem i ken helpim ol yut long senisim pasin no gut na holim strong Kristen veliu na bilip insait long komyuniti na sosaiti nau na long bihain taim," Leffy i tok.

Ol Raun Nabaut Poto



Oil search Rilei baton i kamap long Is Sepik na ol pipel i amamas. Poto MadNESS Photography



Sampela West Papua lain o askim sapot long ol Melanesian brata kantri. Poto: ABC

West Papua lida Benny Wenda i gat laik yet long go bek long PNG

LIDA bilong United Liberation Movement for West Papua, Benny Wenda i gat bikpela laik yet long go bek long tok-wantaim Papua New Guinea gavman.

Ol Papua New Guinea imigresen i bin putim Mista Wenda long wanpela balus i kam long Australia long Fonde long wik i go pinis.

Mr Wenda husat nau i wanpela sitisen bilong Briten i tok em i no klia gut long wanem as long ol i dipotim em.

Em i tok em i wanpela sitisen bilong Briten na em i ken aplai long kisim PNG Visa taim em i kamap long Pot Mosbi.

Mista Wenda i tok tu olsem Gavana Powes Parkop bilong Pot Mosbi yet i go pas long seremoni long apim Morning Star fleg long Disemba 2013.

Em i tok em i wanpela tasol long ol planti hand-ed West Papua pipel na PNG sapota long dispela seremoni.

Lons bilong tupela Tok Pisin buk bilong ol pikinini long Melbourne

OL buk i save helpim gut ol skul pikinini na ol yangpela sumatin long skul o edukesen bilong ol, tasol long Papua New Guinea ol sumatin i save bungim hevi long wanem, i no gat planti laibreri nau we ol i ken go long kisim ol buk bilong ridim na kisim save.

Dispela em i toktok bilong meri husat i bin statim Buk bilong ol pikinini, Anne-Sophie Hermann, taim em i bin lonsim tupela nupela buk bilong ol pikinini long Melbourne long disepla wik.

Anne-Sophie Hermann i bin statim dispela projek long 2007 taim em i bin stap wantaim man bilong en husat i bin wok olsem Hai Komisina bilong Australia long PNG.

Elizabeth Omeri bilong PNG Buk bilong ol Pikinini projek i stap long lons bilong tupela buk long Melbourne.

Ol i kolim ol dispela nupela buk olsem "Our Village: Tatana Island" o vilis bilong mipela, Tatana na "Buk bilong Koki Markets" i stori iblong ol liklik pikinini.

Planti pipal i bin go long dispela bung long Fitzroy Town Hall long Melbourne.

Elizabeth Omeri, husat i wok olsem Literesi na Kros Kating Isus Kodineta wantaim Buk bilong ol Pikinini i bin stap tu long dispela bung

Tafea pipel long Vanuatu i statim bek laip blong ol

Ol pipel bilong Tafea Provins long Vanuatu i stat pinis long planim bek ol kaikai long ol gaden olsem tapioka, banana, ol kumu na ol narapela kaikai bihain long Cyclone Pam i bin hamarim provins tripela wik i go pinis.

Joe Nare Mete em i wanpla kaunsela long ailan bilong Eromango long Tafea provins i tok dispela taim no gut i bin bagarap tru ol sampela ailan olsem Eromango na Tanna we ol pipel i save planim ol samting we i save bringim mani i go long ikonomi bilong kantri.

Tanna tu i gat bikpela mauden paia em i save pulim ol turis, tasol long dispela taim, wok turisim i bagarap long wanem, Saiklon Pam ibin bagarapim planti hotel na ol narapela turis bisnis.

Tasol planti helpim i wok long kamap pinis long provins long ol kantri olsem Australia, New Zealand, France, na tu

Emergency saplai i kamap long Temotu tripela wik bihain

OL ailan long isten hap bilong Solomon Ailan nau i kisim sampela disasta rilif saplai, tripela wik bihain long Saiklon Pam i bagarapim ol.

Loti Yates, em Dairekta bilong Solomon Ailans Nesenel Disasta Menesmen opis i tok wanpela sip i bin lusim Honiara long wiken i go pinis na em i kamap long Tikopia ailan long dispela wik.

Em i tok NDMO wantaim ol lokol ed ejensi na ol dona patna i salim ol kaikai olsem rais na ol narapela samting olsem ples we ol pipel i ken stap long ol taim ol haus bilong ol i bagarap, ol marasin na ol klos.

Em i tok ol klos wantaim planti moa samting bilong haus em ol SDA Sios long Naha long Honiara na ADRA i givim.

Mista Yates i tok sip ya bai karim tu ol lain bai glasim na wokim ol ripot bilong NDMO. Wanpela polis patrol bot i bin lusim ol long Tikopia taim em i go long helpim ol lain long Vanuatu wanpela wik i go pinis.

Ol PNG Seks woka i no amamas long ol AIDS atoriti

FRIENDS Frangipani em i save sanap makim ol seks woka long Papua New Guinea i tok ol i no wanbel wantaim National Aids Sekretariat long wanem, em i no bin askim ol long stap long wanpela woksop em i bin lukluk long HIV/AIDS long kantri.

Cathy Ketepa, bikmeri bilong Friends Frangipani seks woka asosiesen long PNG i tok National

AIDS Sekretariat i bin ranim dispela woksop long Pot Mosbi i no long taim i go pinis, we ol i bin tokaut olsem dispela sik i bikpela tumas long ol meri na man seks woka.

Ol i tok wanpela samting em i helpim mak bilong ol seks woka husat i save kisim sik AIDS i go antap em ol i save bungim hevi long go long haus sik long kisim marasin. Na tu, ol pipel i save rabisim ol.

Ol lain bilong UNAIDS i tok olsem moa long 60,000 pipel long PNG i gat HIV, na samting olsem 24,000 i dai pinis long sik AIDS.

Tasol Mis Ketepa i askim long wanem hap ol atoriti i kisim ol dispela infomesen ol i sutim long taim ol i no toktok long ol asosiesen bilong ol.

Em i tok ol atoriti i mas inkludim ol seks woka long ol kain miting long sait long seksual helt na sik HIV/AIDS.

PNG 2015 Pasifik Gems Baton Rilei i go het nau long kantri

RAUN bilong dispela Pasifik Gems Baton Rilei long Papua New Guinea i wok long amamasim gut tru ol pipel long ol provins we em i bin go pinis long en.

Ol i bin opiseli lonsim dispela Oil Search Pasifik Gems Baton Rilei long Pot Mosbi insait long wanpela tredisenel Lagatoi seremoni long Trinde long wik i go pinis.

Dispela Rilei Baton bai go raun long olgeta 22 provins bilong PNG insait long 100 de i go inap long 2015 Pasifik Gems opening seremoni long Pot Mosbi long namba 4 Julai.

Long dispela wik, Oil Search Pasifik Gems Rilei i bin go long Telifomin, em taun bilong PNG i stap antap tru long Star Mountains long namel bilong ailan bilong Niugini.



HOT SEIL: Ol manmeriu long Pot Mosbi i no isi long baim ol Pasifik Gems tiket, olsem dispela yumi lukim long BSP Benk kaunta. 11-pela de tasol ol i lonsim ol gems tiket seil, ol i salim pinis moa long 8,000 tiket. Poto: Gems Ogenaising Komiti Midia



OL NAMBA WAN TIKET: NCD Gavana, Powes Parkop wantaim ol namba wan tiket em i baim long taim ol i bin lonsim ol Pasifik Gems tiket. Sif Eksekutiv Opisa bilong BSP Benk, Robin Fleming i sanap wantaim Gavana Parkop taim em i baim na soim ol namba wan tiket we gavana i baim na soim long pablik long dispela poto. i gat wanpela Hotlain we pablik i ken kolim we bai operet long 8 kilok moning inap long 8 kilok nait long 7-pela de insait long wanpela wiki nap long Julai 18 long kisim infomesen long ol tiket prais, spot na pablik trenspot skedul. Hotlain namba em 180 2015. Poto: GOC Midia



KOMISENING: Ol Papa grup long Sen Paul's Peris long Gerehu, NCD i mekim promis long karimaut gut wok bilong ol. Grup seketeri, Peter Oa namba tri long hankais) i ritim stetmen long tok promis taim Siaman, James Tari (wantaim ol dokumen) i laik givim i go long pater long blesim na komisenim.

Stori bilong tumbuna



Koki i lesmeri

Insait long bikbus i gat tupela pisin i stap na wanpela em i Koki na narapela em i Balus. Na dispela Koki i save birua long Balus. Balus em i meri bilong wokhat tru na Koki em i meri bilong toktok planti na lesmeri tasol na em i stilim ol samting bilong Balus.

Wanpela taim Balus em i go na wasim saksak. Taim Koki em i harim pairap bilong saksak, em i kirap no gut na em i ran i go na singaut strong moa olsem, hei! hei!, husat i mekim wanem na pairap pairap long bus hia?

Tasol Balus i no bekim tok. No gat. Em i pasim maus na wok i stap.

Na narapela de gen Koki i harim pairap na singaut gen, hei! hei!, husat i mekim wanem daunbilong long bus?

Tasol Balus em i olsem mauspas man, na em i kam bek gen long wok. Na dispela mauswara ya i kam na askim Balus gen. hei! hei! husat i kam na mekim nois planti? Ating yu no lukim man i slip. Yu tingting tasol long kaikai, a? Yu gat bikpela bel olsem bulmakau, meri bilong daunim kaikai tasol long nait na de.

Na bel bilong Balus i pilim olsem wara i hat insait long sospen na boil na i kam antap. Na em i kisim ston akis bilong skrapim saksak na em i go isi isi, i no gat nois bai Koki i lukim em. Em i bihainim pasin bilong snek i save wokabaut na hait insait long gras na isi isi tru. O sori long tarangu Koki. Koki i no save na em i amamas tru na kukim kaikai.

Taim Balusi i kam klostu tru long haus na i lukim Koki, wantu, em i tromoi ston akis long het na tarangu i slip i stap long graun na kapsaitim blut moa yet. Na Balus i go pinis long ples bilong em.

Judah Akessim Banz. C.L.T.C.

Kotkot na hul wara

Al em i wanpela Ailan, long dispela Ailan yet wanpela liklik ples ol i kolim MALUNG. Dispela ples bipo i no gat wara bilong kukim kaikai. Ol tumbuna i save kisim wara long ren tasol. Taim bikpela san ol i lus tru long wara.

Wanpela taim wanpela lapun man bilong dispela ples Malung yet i wokabaut i go long nambis. Em i lukim wanpela blakpela pisin, nem bilong em kotkot. Em i bin go daun long wanpela hap tasol. Orait dispela lapun man i hait i stap lukim dispela kotkot. Dispela kotkot yet i mekim wanpela liklik hul wara.

Taim dispela lapun man i lukim olsem em, i wokabaut i go klostu long dispela hul wara. Orait kotkot i lukim dispela lapun man na i flai i go antap long wanpela bikpela diwai. Dispela diwai ol i kolim Tau. Orait dispela kotkot i sindaun i stap lukim lapun man hia i wokabaut i go stret long hul wara.

Long hul wara yet i gat wanpela ston i stap lapun man hia i lukim olsem, em i traim long

James G. Kila i raitim

Planti ol kain kain diwai i wok long kam insait long kantri bilong yumi na kamap olsem naispela plaua long mekim ol eria na bekyad bilong ol haus long taun na tu long ples i luk nais moa.

Sampela ol lain long ples i save laikim olsem bekyad o eria bilong ol arere long haus i mas gat ol frut i stap long mekim ples i luk nais na nais.

Sampela taim i go pinis dispela tupela bagaros bilong Begesin i bin wok raun i go long Aronis long Not Kos Rot (NCR) long Madang na i bin go long eria bilong wanpela man nem bilong em Philip. Tupela i guria stret olsem dispela man i groim kain kain ol plents insait long eria bilong em antap tasol long Megiar viles long NCR.

Dispela tupela bagaros em ol Komyuniti Afes Fil Opisa bilong Ramu NiCo Menesmen (MCC) em Samuel Masawa na Seth Win.

Taim ol i wokabaut raun long glasim ol arapela diwai olsem Igel Wud na ol arapela samting, wanpela grinpela raunpela na bikpela sid i mekim tupela i paul liklik. Ol i no save lukim kain frut o pikinini bilong diwai bipo.

Dispela grinpela prut i gat wok bilong em yet na tu ol lain long forestri na ol lain bilong ovasis i save long wanem samting dispela prut i ken kamapim.

Philip i tokim tupela bagaros



Tupela bagaros bilong Begesin Seth Win na Samuel Masawa i mangalim wanpela bikpela mon prut long Megiar, NCR Madang. Foto: James G. Kila

bilong Begesin long Usino-Bundi distrik long Madang olsem nem bilong dispela bikpela raunpela prut o em "Mon".

Ai bilong Samuel na Seth i op tru bikos em nupela kain prut ol i lukim na wantu tru ol i askim papa bilong diwai Philip long redim sids bilong dispela diwai taim prut i mau. Ol i tok ol i laik kisim i go na planim long eria bilong ol long ples na mekim

bekyad bilong ol i luk smat na nais moa yet.

Samuel i tok sampela ol frut bilong diwai na plaua we ol ovasis lain bilong Esia i bringim kam i narakain na planti ol lain long PNG i no save tumas long wanem yus o wok bilong ol. Tasol ol Esian lain yet i save.

Olsem na moabeta, ol lain long Forestri na tu Dipatmen ov Egrikalsa i mas mekim

aweanes long tokim ol manmeri long histori bilong wanem ol kain kain flaua diwai bilong PNG stret na ol dispela ol Esia o ovasis lain i bringim kam insait long kantri.

Samuel i tok sampela ol flaua na prut bilong Esia i smat na nais tru na i ken mekim ol flaua gaden na ol bekyad bilong ol lain long taun long PNG i luk smat moa yet.



Dian Anthony Duwang

em i gat 12-pela krismas, em i gat ol bikpela brata tasol na no gat susa.

Em wantaim ol brata bilong em save helpim mama bilong ol gut tru long liklik bisnis bilong ol.

Mama bilong Anthony em wanpela polismeri tasol taim em lukim olsem em gat ol pikinini man tasol em soim ol long wei bilong rispektim ol meri na mama, em kamap liklik Bisnis bilong ol long planim na lukautim plawa.

Anthony wantaim ol brata bilong save helpim mama bilong ol gut tru long wei bilong lukautim plawa.

Taim mama bilong lukim olsem ol save long wei bilong kamapim flawa bisnis em go na rejistaim nem bilong liklik bisnis bilong ol kolim yet long Nature Boys Club.

Long taim bilong mini so Anthony kisim plawa bilong em na mama bilong em na go soim long ol manmeri.

tekewe dispela ston. Lapun i tekewe ston nau em i lukim dispela hul wara, man em i hepi nogut tru.

Taim lapun man i go bek long ples em i no tokim ol arapela long dispela hul wara hia. Oltaim em i laik go long gaden o em i go long sampela hap, em i save pasim gut haus bilong em. Nogut ol man nabaut i go raun arere long haus bilong em. Olsem tasol long wanpela taim sampela lapun man na lapun meri i lukim em olsem, orait wanpela de dispela lapun man hia i laik go kisim wara gen long dispela hul wara. Na wanpela lapun man i go hait i stap na lukim lapun man i go stret long dispela hul wara. Em i kisim pinis, em i kisim lip bilong diwai

na haitim dispela hul wara. Orait arapela lapun man i hait i stap na em i lukim em pinis em i go bek long ples na i tokim ol arapela lapun manmeri long ples. Nau ol i save Olsem wara i stap arere long haus bilong ol yet. Na ol arapela tu i go lukim dispela hul wara na ol i go drinkim dispela wara i swit moa olsem ren wara.

Taim dispela lapun man ya i kam bek, em i kros nogut tru long ol i kam kisim wara bilong em. Tasol ol i tokim em olsem dispela wara i bilong ol, olgeta wantaim.

Na nau long dispela taim dispela hul wara i stap yet nau long Malung viles long Ali Ailan.


Mr. B.A. Mongalil, Ali Ailan/Aitape.

TOKSAVE:

WANTOK i askim ol gutpela rida bilong em long salim ol **tumbuna stori** i kam na bai mipela i putim long niuspepa. Sapos stori bilong yu i gutpela na mipela i putim long niuspepa, bai yu winim **K50** we mipela bai salim i go long akaun bilong yu, o salim mobail unit inap long **K50** i kam long fon bilong yu. Salim nem, edres na mobail namba bilong yu wantaim stori i kam long dispela edres: *Stori Tumbuna, Wantok Niuspepa, C/-Word Publishing Company, P O Box 1982, BOROKO, NCD, PNG o email edres : editorial@wantok.com.pg Telepon namba: 3252500.* Tenkyu

Em nau! Ol pikinini i ken painim rot i go long ples wantaim Wantok kru...

Sudoku



	6			8	4			2
3		9						8
		5	6		9			1
5	3				1			
		4		7		1		
			2				9	3
	5		8		3	4		
	7					3		6
4			7	5				2

		1		9	2			
7		5			3			4
			5			7	8	
3			9			4		5
	5			3				1
6	9				5			3
	2	4			7			
	8		2			5		4
			3	4		2		


Ansa bilong Sudoku # 91 na # 92 neks isu

9	2	3	8	7	1	5	6	4
8	6	4	2	9	5	7	1	3
7	5	1	3	4	6	8	2	9
2	3	6	9	5	7	4	8	1
4	7	5	1	2	8	3	9	6
1	9	8	6	3	4	2	7	5
6	8	7	5	1	3	9	4	2
3	4	9	7	6	2	1	5	8
5	1	2	4	8	9	6	3	7

8	2	7	5	4	3	1	9	6
6	4	1	9	7	2	5	3	8
5	3	9	8	6	1	7	2	4
9	6	3	1	5	8	4	7	2
2	7	8	4	9	6	3	1	5
1	5	4	2	3	7	8	6	9
3	8	6	7	2	4	9	5	1
4	9	2	3	1	5	6	8	7
7	1	5	6	8	9	2	4	3

Ansa bilong las wik Sudoku # 89 na # 90


M **PAINIM** L T
 H **W** G J A J D Y E
 X **O** I **PILAI** R
 V **D** I K A L A P I
 F J F W F J H U T



- Ol wod lista hia:
- ABUS
 - BAIBEL
 - BEKIM
 - DESEMBA
 - ENGLAN
 - FAMILI
 - GLAS
 - HAITIM
 - ISTA
 - JASIM
 - KAMAPIM
 - LAIKIM
 - MAKIM
 - NABAUT
 - ORAIT
 - PANIMAN
 - RABIS
 - RINSOP
 - SAKSAK
 - TAMBARAN
 - UTUN
 - VIRGO
 - WASWAS
 - WATPO
 - YUPELA

O S E E S L T S E L M N T O L F M R R S
 P N O F S T N E D C I R L Z F F V S A E
 K E G G L A S F A M I L I S T A E R B I
 Q U Q C D T E M H A J L H N L R C H O G
 L P W Y R H W N D B K T A A S D V J M P
 B U V U T Q D A E A W R I B S O G V J G
 M T I P F P A H S I A A T A T O P S J E
 B U R E A G E I E B S H I U B D V T T W
 E N G L A N L K M E W O M T S U Q A A A
 K A O A X N I A B L A H E F T V S B T C
 I S M W O U T M A V S N Y H A B K A H U
 M C U F D R M A A F N S T N L Z S M A L
 C E R W S M A P M N A C R N N G I F Y J
 H S P A J A S I M D C B N F O V N P K S
 E S A T B K K M T L P C O V L L D N N F
 M N C P I I Y S S T Y P S A P O C U E R
 L W R O A M S R A D E N T M Q M A O T T
 I E A L H O F D A K I Y J G F A P L R O
 E S W C E B A Z Q E T R T G F E L I G C
 C S S T H Y I Q S D D P E H N I E B R B

Ansa bilong Wod Pilai isu 2116



Salim bilong Luship no bihainim lo

...Pastaim wokman tok



↑ Tupela sip bilong Luship i silip sore nau i stap long Madang em bikpela kago sip mv Kuder na pasindia sip mv Mamose Express.

← Lutheran Sip het opis na teminel long Madang. Dispela hap i save bisi wantaim pasindia tasol tude i no gat stret bihain long ol i stopim operesion bilong Lutheran Shipping.

SALIM bilong ol samting o asset bilong Lutheran Shipping Pty Ltd i no bihainim lo. Olsem na ol man na kampani i mas no ken baim ol dispela samting.

Wanpela sinia wokman pastaim wantaim Lutheran Shipping Pty Ltd, husat i no laikim nem bilong em I kamap long niuspepa i tok dispela likwidesen em wanpela likwideta i wokim long Lutheran Shipping Pty Ltd, na ol propeti o samting bilong en em no bihainim stret lo.

Dispela em bikos Lutheran Shipping em i narapela bisnis olgeta na no gat koneksen wantaim Kambang Holdings Treding.

"Kambang Holdings Treding em i likwideted na em i no papa bilong Lutheran Shipping Pty Ltd. Mipela narapela bisnis olgeta na i no stap insait long dispela likwidesin eksesaes," em i tok.

Em i tok Het Bisop bilong Evanjelikel Luteran Sios bilong PNG (ELC-PNG) i no bin sainim dil bilong rilis long salim Lutheran

Shipping na ol samting bilong en, na wanem ol samting i kamap em i no bihainim lo.

Em i askim tu wanem as tingting bilong dispela likwideta long putim ol tambu long bisnis opresen bilong Lutheran Shipping stat long Me 26, 2014 we i bringim kampani long lusim bikpela mani, dinau na tu, bagarapim nem bilong kampani.

"Moa long 400 wokman wantaim ol famili bilong ol i kisim hatpela taim stret nau.

Na moa long K2.5 milien ELC-

PNG memba i kisim taim bihain long wanem samting dispela likwideta i wokim long pasim wok bilong kampani," em i tok.

Lutheran Shipping i gat planti ol bikpela propeti bilong en olsem sip na ol arapela samting we mani mak em planti milien kina na i stat long Madang, Lae, Wasu, Finshafen na Siassi.

Em i tok likwidesin i ken kamap long Kambang Holdings Treding tasol i no Lutheran Shipping Pty Ltd, bikos tupela i no wankain

kampani insait long rekot bilong Invesmen Promosen Atoriti (IPA).

"Inap wanpela lain long ol likwideta i kamaut long tokim mipela wanem stori nau bilong Lutheran Shipping, na wanem as tru likwideta i stopim wok bilong mipela," em i tok.

"Mipela givim strongpela tok lukaut i go long husat man o bisnis i traim long baim ol samting na asset em Lutheran Shipping bikos kampani i no likwideted yet," em i tok.

Dinau bilong kantri sanap long K15b ...i kam long pes 1

Dispela em i K.064 bilien moa long dinau mak gavman i tokaut olsem 2015 defisit o dinau bai K2.35 bilien

Mista Pruaitch i tok gavman i kisim moa dinau i kam insait long kantri long bungim dispela K2.99 bilien sot long baset. Na kisim intenel dinau i go antap long K8.7 bilien.

Totol dinau bilong kantri nau i go moa long K15 bilien.

Mista Pruaitch i tok pundaun bilong oil prais long wol maket i lukim winmani bilong LNG i kam daun. Na prais bilong oil i wok long kam daun yet. Mista Pruaitch i tok nesanel gavman i mas lukaut long ol mun i

kam bikos winmani bilong gavman i wok long pundaun.

Mista Barker i tok dinau bilong kantri i go antap long K15.5 bilien long 2015 na dispela em K1.4 bilien moa long mani plen.

Em i tok dispela dinau bai lukim daunim mani bilong Soveren Wel Fan (SWF) bikos gavman bai bekim ol dinau wantaim intres na seving bilong SWF bai kam daun long sampela taim pastaim.

Mista Barker i tok prais bilong oil i pundaun yet na gavman i mas kwik taim menesim mani gut aninit long lo na stretpela rot. Na yusimmani na

abusim mak bilong win mani bilong kantri. Em i tok bikpela lukluk bilong gavman em i mas putim mani long rot, bris na ol infrastraksa we planti pipel bai kisim sevis long en.

Oposisen lida Don Polye i singaut namba tri taim gen long gavman i mas stretim gen 2015 baset bikos winmani bilong LNG i pundaun na gavman i sot na bai sot yet long mani. Em i tok gavman i mas kwiktaim kamapim wanpela saplamentri baset long helpim dispela hevi.

Minista Pruaitch long ripot bilong Tresari i tok total revenu gren bilong go antap long K11.5 bilien na fainel

baset autkam bilong 2013 bin K9.83 bilien, tasol em i daunbilong long K12.69 bilien we gavman bin putim mak long 2014.

Mista Pruaitch i tok kantri i lukim ikononi i gro, tasol gavman i mas putim ai na lukaut long menesmen bilong ikononi bikos prais bilong ol komoditi long wol maket i pundaun, na winmani bilong kantri ken pundun long dispela yia.

Mista Pruaitch i tok inkam takis IRC i kisim em i go antap long K3.2 bilien, maski emploimen i bin kam daun bihain long pinis bilong LNG konstraksen.

Losuia our Newest Destination

Beautiful on Mondays
Stunning on Fridays

Airfares from as low as **K494****

Call toll free on **180 5465** visit www.airniugini.com.pg or contact your nearest Travel Agent. *Service commences Monday 30th March 2015. **Airfare is for one way travel inclusive of taxes.

Our Schedule: *
POM-LSA
1000hrs (Mon & Fri)
LSA-POM
1135hrs (Mon & Fri)

LinkPNG

Egrikalsa sekta i pundaun, gavman putim ai long oil na ges



Presiden bilong PNG Fama na Setla Asosisen, Wilson Thompson

PRESIDEN bilong ol Fama na Setla Asosiesen i tok bikpela lukluk bilong gavman i stap long oil na ges na ol mineral na i no stretim egrikalsa sekta long apim prodaksen bilong ekspot, helpim rurel pipel na sapotim ikononi bilong kantri.

Mista Wilson Thompson i tok i no gat gutpela wok bung I kamap namel long dipatmen bilong Egrikalsa na Laipstok (DAL), Komes na Industri na Nesenel Plening long helpim egrikalsa long gro na sapotim bikpela populesen long kantri, na helpim ol pipel i stap long ol rurel ples.

Mista Thompson i mekim dispela singaut bihain long Benk bilong PNG (BPNG) long Moniteri Polisi Stetmen i tok gavman i mas inve long egrikalsa.

"Visin 2050 na Stretejik Dvelopmen Plen, Nesenel Agrikalsa Dvelopmen Plen (NADP) na Midium Tem Dvelopmen Streteji (MTDS) i toktok long heliti na weliti nesen, na fud na egrikalsa em i ki samting long mekim kantri i kamap heliti na weliti. Tasol invesmen

long prodaksen na ekspot figa bilong sekta i nogat long helpim plen bilong gavman," Mista Thompson i tok Em i tok DAL i mas kwiktam holim wanpela pablik konpresn long toktok long dispela sekta long pablik na inwaitim ol stekholda dipatmen na ejensi.

"I luk olsem Dipatmen bilong Nesenel Plening i lukluk long narapela plen bilong egrikalsa na Dipatmen bilong Tresari i no putim inap mani long sekta na DAL i nogat gutpela 'LONG TEM' plen long stretim dispela sekta long sapotim ol piepl". Mista Thompson i tok.

Mista Thompson i tok PNG bipo bin develop long egrikalsa tasol nau gavman i givim etensen long ol maining, ges, na oil na lukim egrikalsa sekta i wok long pundaun bikpela tasol agrikalsa i sapotim bikpela populesen bilong kantri yet.

Mista Thompson i tok gavman i mas lukluk gen long agrikalsa sekta na stretim DAL, olgeta komoditi bot, ol trening institusen bilong egrikalsa na trening senta na rijonal na provinsal Brid na Eksperimen stesen.

Em i tok gavman i mas lukluk long rausim o daunim takis bilong ol liklik fama. N agavman i mas putim mani long fisibiliti long bridging progrem.

Mista Thompson i tok long PNG i no gat ol ful taim fama we pastaim i save gat long ol plentisen na long ol blok we nau long komesel intres yumi gat Ramu intasris, Mainland Holdings, NGTB na Trukai industri.

Mista Thompson i singat long gavman long lukluk bek long bridging, trening, na edaiseri progrem bilong ketel, sipsip, meme, pik hani bi, kopi, kokonat, kadamun, pairetrum, tea, spais prodaksen, inlen fis faming na yumi bin lukluk daun na lusim longpela taim tru na nesenel gavman sapot i go long ol dispela eria em i liklik tru.

Em i tok gavman i mas stretim DAL long em i ken go bek long rurel eria na helpim ol pipel long go insait long ol egrikalsa progrem long ol i ken sapotim ol yet, na dispela bai helpim ikononi bilong kantri tu.

Mista Thompson i tok planti gavman i no lukluk long stretim DAL na lukim ol sampela bikpela saveman long DAL i stap nating bikos gavman, an i no sapotim ol long mekim wok long helpim pipel.

Ol laipstok trening senta bilong DAL olsem Erap, Upulima, Urimo, Menifo, Korofeigu na Baiyer i no kisim sapot bilong gavman na i no wok gut nau.

Em i mtok gavman i bisi tuma slong ol mineral nages na oil tasol egrikalsa em bilong pipel na bai stap yet long planti yia bihain.

Bisnis gro na diman bilong kar go antap

Stanley Nondol i raitim

NAMBA bilong ol kari i kam long kantri i go antap na PNG i pulap long ol yus na nupel kar, tasol i no gat gutpela rot na infrastraksa long ol kar bai ran long en. Dispela I kamapim trafik jem long sampela siti na taun.

PNG Ports Corporation Limited (PNGPCL) i tokaut olsem long las 4 -pela yia, moa long 44,000 kar i kam insait long kantri.

Em ol olpela na nupela kar i kam long Japan.

Ol i kam insait long 3-pela bikpela sip bris, Rabaul, Lae na Pot Mosbi.

Dispela em gutnius bikos bisnis i gro na ol pipel i gat mani long baim kar na apim diman bilong kar long kantri i go antap.

Tasol ol dispela kar i kisim taim long ol rot long planti provins I stap bagarap yet, na olsem long ol sampela seksen bilong Hailans haiwe na long siti i lukim bikpela trafik jem i kamap long olgeta de.

Planti bilong ol dispela kar i no gat ol spe pat long kantri, na taim kar i bagarap ol pats kampani i tok ol bai putim oda long kisim long ol dila long ausait. Dispela i save kisim moa long 3 pela mun o klostu long wanpela yia.

PNG Ports i tok namba bilong kar i go antap yet na namel long 2011 na 2014, dimani bin go antap tru maski em i apim ol fi na takis

long ol kampani na kastoma baim ol kar long ausait.

PNG Ports i tok maining sekta long Hailens rijon i gro na tu diman bilong kar i go antap i mekim namba bilong kar kam insait long kantri i go antap moa.

Mosbi siti i lukim bikpela trafik jem i save kamap namel long siti stat 8 kilok na go long apinun na kar i pulap long olgeta rot.

Planti komplek i kamap long gavman i mas stretim ol rot long opim trafik jekm bikos muvmen bilong pablik i slo.

Rot long ol arapela senta olsem Hailans na Galp long Sauterrijon i bagarap, maski gavman i laik traim long stretim tasol bagarap i kamap yet.

Ol papa bilong PMV i save komplek long ol kar bilong ol I save bagarap na ol i baim pats long bikpela mani na I apim trenspot fi long ol pasendia.

Ripot bilong PNG Ports i tok Pot Mosbi sip bris i kisim 20,764 kar na Lae kisim 22,410 kar.

Ol kar i kam long Pot Mosbi i go olsem long 6-pela provins bilong Sauten rijon na sampela stap long Pot Mosbi.

Ol kar i go long Lae sip bris i go olsem long hailans rijon, Madang na tupela Sepik provins.

Na Pot Mosbi i lukim bikpela namba bilong kar i kam long sip bris long Mosbi i stap na pulap long ol rot long NCD.



Bikpela sip bilong lodim kar i kam long Pot Mosbi sip bris i laik lusim Mosbi long go kisim moa kar i kam insait.

Tolukuma gol main bai pas

PETROMIN PNG Limited i tokaut olsem em bai pasim operesen bilong Tolukuma gol main long Sentral provins long namel bilong mun Epril.

Petromin long wanpela stetmen long dispela wik i tokaut olsem em bai pasim operesen bikos kos bilong ranim operesen i dia tumas na prais bilong gol i go daun, na kampani i no inap long sanap moa na mekim bisnis.

Ol eksekutiv bilong Petromin i go long Tolukuma las wik na tokim

ol wokman na menesmen bilong main na papagraun olsem wok bai pas long dispela mun.

Petromin I papa bilong Tolukuma gol main. Em I bin tekova long 2008.

Petromin i tok long las 4-pela yia, em bin painim hat long menesim operesen na yusim bikpela milien kina pinis, tasol prais bilong gol i kam daun wantaim ol gred bilong gol tu I pundaun, na ol arapela kos I go antap na dispela I mekim kamapani i no gat strong

moa long putim moa mani.

Menesing Dairekta bilong Petromin, Thomas Abe i tok kos bilong ranim main em I dia tumas na kampani i yusim moa long K10 milien long dispela yia pinis.

Mista Abe i tok bikpela as tingting bilong pasim main em, Tolukuma gol main em no inap long mekim planti gol long wanwan mun long salim na kisim inap mani. Olsem na Petromin i plen long pasim operesen long dispela mun.

3 TIMES A WEEK*

between PORT MORESBY & HONG KONG

More connections to Asia & Europe

book now!

*Commencing 29th March 2015

Call Toll Free on **180 3444** or contact your nearest Air Niugini Travel Centre or Travel Agent for further details.

Air Niugini
www.airniugini.com.pg
EXCLUSIVE CARRIER FOR THE 2015 PACIFIC GAMES



POTO NA STORI: Nicky Bernard

BMOBILE na Vodafone i kamapim wanpela gutpela resis bilong helpim ol kastoma bilong long winim TV skrin. Dispela resis em bilong dispela Mun Epril tasol, taim yu baim top ap long K10 bai yu go insait stret long dro na bai yu gat sans long winim TV. I bai gat tupela wina olgeta wik inap long pinis bilong Mun Epril. Long dispela wik. Bmobile Vodafone i givim tupela TV skrin i go long tupela wina, wanpela wina bilong Lae long Morobe na wanpela Pot Mosbi long NCD. Wina bilong NCD em wanpela wok man bilong Works Dipatmen long

4-mile mista Niko Alipi. Niko i bin baim fon bilong em long Gut Fraide long Bmobile Vodafone opis long Vision City long Mosbi. Niko i tok, em lukim olsem Bmobile na Vodafone i gat fri kol long ring long ol fon bilong ol, olsem na em go bai fon long ringim ol famili lain bilong em long sekim ol long dispela lsta malolo. Niko baim K39 fon bilong em we Bmobile na Vodafone putim prais bilong ol kam daun olsem spesol na em kisim tasol long ringim ol famili bilong em. Dispela K39 fon bilong em i givim sans long winim dispela flet skrin 32 ins TV we prais bilong em i antap tru winim prais bilong mobail fon bilong em.

Sefti i isi olsem ABC

EXXONMobil PNG (EMPNG) i karim aut awenes long ol skul long Hela provins. Ol i yusim het tok bilong ol long mekim sefti awenes long ol skul em ABC, we i makim Always, Be Careful. Dispela em i isi tasol em i bikpela toktok we i ken sevim laip. Ol EMPNG komyuniti afeas wokman na meri i stap sampela de long Hela

provins long karim aut awenes. Ol i toktok long olsem 2400 pikinini insait long 13 elementri na praimer skul long Hides, Komo na Angore eria. Stekholda Engejmen Lid bilong EMPNG, Marilyn Wingi, i tok as tingting bilong dispela kempen em long toktok long rot na trefik sefti. "Mipela i yusim ol posta na piksa bilong wanpela mangi, nem bi-

long em Toea long makim ol samting ol i ken mekim na ol samting ol i noken mekim long rot. Ol pikinini i laikim Toea na ol i ken bihainim em taim mipela i tokim ol olsem Toea i save go long skul, tasol em i save lainim 3-pela impoten rul taim em i kam long rot. Dispela em, Stop, Lukluk na Harim pastaim long krosim rot. "Mipela i toktok long ol

pikinini long werim ol kala kala klos taim wokabout sait long rot long wane mol draiva bilong ol bikpela kar i ken lukim ol gut. Long sampela taim, mipela i tanim sefti toktok long tokples Huli bai ol sumatin i ken save gut," Marilyn i tok. "Sefti em i namba wan wari bilong ExxonMobil. Nogat narapela samting em i impoten tasol sefti bilong ol pipel husat i slip

Wol Wara De: klinpela wara em ki bilong developmen

WOL WARA De i bin kamap long 22 Mas 2015 na dispela yia em i lukluk long fres wara na gutpela menesmen bilong fres wara long olgeta hap bilong wol wantaim het toktok: "Wara na developmen bilong stap longpela taim. Em i sans long autim sampela gutpela wok bung namel long PNG Gavman na Yuropien Yunien long wok bilong wara na senitesen. Yuropien Yunien i gat strongpela tingting long kamapim gutpela klin wara long olgeta kantri we i wok long develop yet. Long Wara na Senitesen na Haijin (WASH) sekta, EU i putim mani long ol projek long Afrika, Caribbean na Pasifik (ACP) kantri, we Papua Niugini em i memba, aninit long ACP-EU Wara Fasiliti Water Fasiliti i bin kirap long 2004 wantaim bikpela as tingting

bilong bringim wara na besik senitesen long ol lain i stap tarangu na long kamapim gutpela menesmen na gavenens bilong wara. Wanpela K2084 milion (Euro 697 milion) em ACP-EU Wara Fasili i putim stat long yia 2004 yet. Long strongim dispela ACP-EU wara i save wok bung wantaim Gavman bilong PNG stat long 2006 long bringim gutpela na klinpela wara i go long ol ples i stap long bus na longwe long ol sevis. EU i tromoi samting olsem K67 milion long mekim wok bilong wara insait long Papua Niugini. I gat 4-pela Wara na Senitesen na Haijin (WASH) projek i kamap long kantri na i bin helpim ol pipel long namba inap long 323,800 lain long rural eria insait long 762 komyuniti long 19 provins.

Em i helpim ol pipel long amamas long ol gutpela na seif wara bilong dring na lukautim bodi bilong ol long ol i ken stap helti wantaim ol gutpela toilet na wara bilong wasim han na waswas. Ol samting bilong WASH em i gat 156 greviti fed sistem, 2 000 wara tenk, 40 hul wara na moa long 16 000 toilet. Long de bilong Wol Wara De, EU Embeseda long Papua Niugini Martin Dihm i tok: "Papua Niugini i gat bikpela blesing wantaim planti fres wara i stap. Klinpela wara em i as bilong gutpela development bai i stap longpela taim. Em i olsem strong bilong olmama na pikinini na ol famili na komyuniti long helt na ikonomi bilong ol. Laip bilong ol pipel long ples bai kamap gut taim ol i kisim wara isi tasol.



INTERNAL REVENUE COMMISSION



IMPORTANT NOTICE TO ALL LANDLORDS/ TENANTS

Landlord TIN now required on property lease agreements

The IRC wishes to advise the public of new laws for submitting property lease agreements to IRC for stamp duty, which are now being enforced.

All landlords are now required to provide their Taxpayer Identification Number (TIN) on lease agreements drawn up with tenants. If a TIN is not provided, the stamp duty application for the lease agreement will not be processed.

Lease agreements are not valid or legally enforceable until stamp duty has been paid to IRC, and the lease has been stamped. It is therefore of interests to both landlord and tenant to ensure the TIN is quoted on the lease so the document can be stamped.

If you are a landlord and do not currently have a TIN, you must register with IRC.

More information on registering with the IRC is available on our website: www.irc.gov.pg

Internal Revenue Commission

Authorised by
Ms Betty Palaso, OBE
Commissioner General

"Your Partner in Nation Building"



Wanpel a pikinini long Sinablai i amamas long klin wara i kam long EUA. Poto: EU Wara Saplai na Senitesen Projek



PNG Kampani Stap Wok wantaim Ramu NiCo Tripela Yia

WANPELA 100% PNG nesanel kampani bai i amamasim namba tri krismas bilong en long dispela mun na i tokaut olsem stap bilong em na gro bilong em Ramu NiCo Projek tasol helpim.

Dispela PNG Kampani nem bilong en Industrial Boiler Services (IBS) PNG na em i rejista wantaim Investmen Promosen Atoriti (IPA) long Mas 14, 2012. Het opis bilong dispela kampani i stap long Lae, Morobe provins.

"Moa long 80 % bilong mani kampani bilong mipela save kisim i save kam long Ramu NiCo long wanem ol teknikal sevises mipela i givim i go long dispela wanpela nikel na kobalt maining projek long PNG," dairekta bilong IBS, Wel Konia i tok.

Long bihainim olgeta wok aninit long Maining Sefti Ekt 1977, IBS PNG i save givim kain kain ol teknikal sevises i go long Ramu NiCo bihainim Australia na Nu Silan stendet em AS/NZ 3788-2006. Aninit long dispela ol stendet IBS PNG i save:

Wokim inspeksen na sekim na givim tok-orait long ol presa vessel, autokleiv, presa sefti valve, ol boila na ol hai-presa tenk;

Sekim na givim tok-orait long ol ea-kompresa, presa paip na ol paip long rausim ol pipia wara;

Karimaut NDT (non-distraktiv testing), penetreit testing (PT) long ol presa vessel na lainim ol ples we bruk o hol i stap (yusim altra-sonik test), tiknes tes, radiografi ges long sekim ol joints we welding i kamap, ET (Eddy karent test) na megnetik patikal inspeksen;

Vaibresin analisis test na kondisen monitoring tes long ol valv na ol arapela bikpela wok.

Planti lain i save kolim em olsem "Papa bilong Setelmen" long Lae siti, tasol dairekta bilong IBS PNG, Mista Konia igat planti save tru na em wanpela ol liklik lain boila inspektas husat i gat laisens long PNG.

Wantaim dispela save na planti ekspiriens, Mista Konia na faipela profesinol enjininia bilong em i save wokim wok bihainim sefti stendet na wokim gutpela wok tru.

Menesa bilong Ikwipmen Dipatmen bilong Ramu NiCo Basamuk Rifaineri, Jack Lei i tok Ramu NiCo wantaim IBS PNG i save gat gutpela wok-bung na rilesins we i ken stap longpela taim.

"Ramu NiCo i gat bilip long wok bilong IBS PNG bikos wok bilong ol em gutpela, stretpela na bihainim gut tru stendet bilong indastri na wanem Ramu NiCo i laikim long en," Mista Lei i tok.

Bihain long em i tok amamas long namba tri Krismas bilong IBS PNG, Mista Lei i tok Ramu NiCo i amamas long yusim wanpela 100 % PNG nesanel kampani insait long tripela yia.

"Ramu NiCo i laik helpim long groim PNG ekonomi taim em i yusim sevises bilong lokal kampani olsem IBS PNG, husat i save gat gutpela save na ekpiriens olsem kontrakta long givim ol teknikal sevises," Mista Lei i tok.

"Long nau yet planti ol konsalten bilong mipela na ol lain mipela i save kisim teknikal samting long ol long ronim rifaineri bilong mipela i save kam long Australia na ol arapela kantri," Mista Lei i tok.

"Mipela i no bungim wanpela 100 % PNG nesanel kampani husat i ken givim teknikal sevises o ikwipmen mipela i nidim long helpim dispela bikpela rifaineri plent bilong mipela," Mista Lei i tok.

"IBS PNG em wanpela 100% nesanel kampani we mipela i kisim long helpim mipela," em i tok.

"Bikpela tingting bilong mipela em long kisim planti ol 100% PNG nesanel kampani husat i gat save na ekspiriens long teknikal eria na dispela i ken bringim gutpela helpim i kam long lokal ekonomi.

Dispela bai wokim kamap gutpela rilesensip namel long PNG na China i go long narapela level," Mista Lei i tok.

"Long mipela long IBS PNG, mi ken tok olsem Ramu NiCo Projek em blessing Papa God i givim long mipela," Mista Konia i tokaut. Mista Konia i stori olsem taim em i wok olsem Boila Opereta wantaim Ramu Agri Indastri long 1998 em i bin driman olsem wanpela meri bilong China i bin givim em wanpela bandol sek-mani.

"Dispela driman i karim kaikai long yia 2012 taim mi krungutim opis bilong Ramu NiCo namba wan taim tru na wanpela meri China nem bilong em Penny i tok welkam long mi," Mista Konia i tok.

"Wanem mani mipela i kisim long wok wantaim Ramu NiCo, em i helpim mipela long sapotim bisnis, na tu family bilong 5-pela enjinia bilong IBS PNG long putim kaikai



Wel Konia wokim inspeksen.



Wel Konia, Jack Lei, and Engineer Andy.



Wel Konia wantaim ol IBS enjinias.

long tebol," Mista Konia i tok.

Em i tokaut tu olsem wanem mani kampani i wokim, ol i bin helpim sampela sios long Lae na Chimbu, na helpim tu ol mama grup, na tu sapotim wanpela sariti

ogenaisesin ol i kolim 'Well Faundesin' long helpim ol pipel i kamapim gutpela sindaun long laip bilong ol long ples na hauslain.

"Wantaim olgeta dispela na ol arapela, mipela tok bikpela tenkyu

tru long Ramu NiCo long gutpela blessing mipela long IBS na ol pipel long viles na hauslain i kisim na mipela amamas tru," Mista Konia i tok.



Ramu NiCo Management (MCC) Ltd,
the manager of Ramu NiCo Project is proud to host the 5th
NATIONAL MINING EMERGENCY RESPONSE CHALLENGE
in Madang

Date: August 22-25, 2015
Venue: DWU & PNG Maritime College



An initiative of:
National Apex Mining Safety Council



Under the auspices of:
Mineral Resources Authority

Oil Search rilei baton kamap long Wewak

OIL Search Pasifik Gems rilei baton i kamap long wewak last wik bihain long raun bilong em insait long Sandaun Provins.

Long Wewak taun ol manmeri i amamas tru na pulapim taun long kisim baton. Ol manmeri, sumatin, wok manmeri, na pikinini pulapim olgeta hap bilong town na kisim baton.

Insait long Wewak pastaim Praim Minista na nau gavana bilong Is Sepik Provins, Sir Michael Somare, i kisim baton na toktok long ol manmeri bilong em long gutpela bilong pilai spot.

Tim Menesa bilong rilei, Tamzin Wardley, i amamas tru long pasin ol manmeri long Wewak i soim long kisim rilei tim wantaim baton. Bihain long rilei time i raun insait long Wewak taun ol i rilei go long Boram.

Lusim Boram rilei tim i kalap long helikopta na go antap long Dreikikir, tasol klaut i pasim hap bilong ol long pundaun na ol lusim na i go long Akuk riva sait we 50 pikinini i kisim baton. Taim ples i klia ol relei tim i go long Dreikikir we ol manmeri, skul na ol pikinini i inap olsem 2000 i singsing nesenel antem na kisim baton.

Long de bihain rilei tim i lusim Dreikikir na go antap long Maprik bihainim Sepik wara i go insait long ol liklik han wara, lukim ol ples na ol manmeri bilong ples i kisim baton wantaim kastom pasin bilong Sepik.

Ol manmeri long Sepik wara i amamas tru na kisim rilei tim.

Pasifik Gems rilei tim i amamas tru long pasin ol lain long Sepik i soim long kisim luksave long dispela bikpela gem bai kamap long Julai 4 i go inap long 18, na we ol i kisim baton wantaim kainkain pasin kastom bilong ples bilong ol.

Oil Search Pasifik Gems Rilei lusim Sepik ...Skruiim wokabaut i go long Madang

OIL Search Pasifik Gems Rilei i bin lusim Sepik Provins long dispela wik Tunde na skruiim wokabaut i go long Madang na bihain, long ol Hailans provins.

Em i bin draiv raunim Angoram taun wantaim Tura na baton bipo em i lusim Is Sepik Provins.

Planti tausen manmeri na pikinini i bin pulapim Angoram maket long lukim baton na sekan wantaim Tura.

Rilei tim i bin go bek long Wewak taun na long rot, ol sumatin bilong Angoram Praimeri na Hai skul i bin go aut long tok gutbai na singaut long Tim PNG long "Go for gold".

Long Gavien Praimeri skul, ol i bin ranim sotpela rilei na ol pikinini i amamas tru na go tasim baton.

Kasmin Praimeri skul i bin redi gut stret

wantaim ol fleg na ol mesej long strongim Tim PNG taim rilei tim i long skul.

Taim tim i lusim dispela skul, ol i bin bihainim kunai grasp les we foma Binatang pilaia, Allan Brown i bin ran wantaim baton long liklik bus rot i go long liklik maunten long hap.

Dispela i bin pinisim wokabaut bilong Oil Search Rilei tim long Is Sepik.

Em i bin wanpela gutpela wokabaut stret long provins na Sepik wara na ol pipel i bin nap long amamas long lukim baton na rilei tim.

I kam inap nau, Oil Search Pasifik Gems Rilei i karamapim pinis 11,200 kilomita na lukim moa long 60,000 pipel.

Nau rilei i raun long Madang na bihain em bai go long Isten Hailans, Simbu na Westen Provins.



Ol skul pikinini i amamas na welkamaim Oil Search Rilei tim na baton i go long skul bilong ol. Poto: MadNESS Photography



Ol sumatin long Wewak amamas na kisim relei baton. Poto: MadNESS photography

Madang FC daunim POM FC long Laiwaden

James G. Kila | Raitim

OL BILAK bokis mangi bilong Madang Futbol Klap i rekotim namba wan bikpela win bilong ol long asples bilong ol long Laiwaden oval taim ol i bagarapim sindaun bilong POM FC 4-2 long Telikom Nesenel Soka Lig gem long Madang.

MADANG Futbol Klab i soim stret pawa bilong ol long las wik Sarere long ai bilong ol sapota bilong ol long ol i bagarapim sindaun bilong POM FC 4-2 insait long Telikom Nesenel Soka Lig we i bin kamap long Laiwaden pilai graun long Madang taun.

Ol sapota bilong Madang i pulap stret long kar na raunim stret bilong Laiwaden pilai graun long lukim feveret tim bilong ol i pilai egensim tim bilong Mosbi siti.

Bihain long dispela bikpela win bilong ol, Madang FC

nau i surik long namba 6 ples i go long namba 4 ples insait long resis bilong Telikom NSL.

Dispela bikpela win bilong ol em i namba tu bikpela win bihain long ol i autim stret ol Oro FC 4-0 insait long namba wan raun.

Dispela win bilong ol dispela foks bilong Madang nau bai givim bikpela pret long ol arapela tim bilong Mosbi na Lae long soim olsem Madang FC i stap long NSL resis na ol no ken paul paul.

Dispela gem long Madang long namba wantaim i lukim Madang i pilai stail tru wantaim gutpela bal wok long midfil i kam long kepten Max Sengum wantaim yangpela Always Komolong long pasim bal i go kam na redim gut yangpela straika Hanson Topio long pairapim umben bilong ol mangi Mosbi.

Gem i go strong namel long

namba wan hap, tasol gutpela kontrol bilong midfil i mekim rot bilong stail mangi, Begesin bilong Lae, Sammy Hiob long pairapim namba tu gol.

Bihain long dispela POM FC i skoa, tasol bihainim liklik i lukim Samuel Kini i pairapim umben long mekim namba wan hap skoa i sanap 3-1.

Long namba tu hap gem i go strong i go inap wanpela POM FC i kisim wanpela penalti na i kikim i go insait.

Bihain tasol long dispela penalty, ol Madang i soim pawa bilong ol na setim bal i go antap na stail mangi Hanson Topio i spit nating na skorim namba tu gol bilong en long givim fainol skoa em 4-2.

Tim menesa bilong Madang FC, Tweedy Malagian i tok em i amamas long win bilong ol bois, tasol planti ol arapela bikpela gem i stap we ol i mas pilai strong long stap strong long NSL resis.

Hawks meri sambai long Meya's Kap nains fainel

i kam long pes 28

Long dispela wiken, ol meri Hawks bai traim masel bilong ol wantaim New Town Panthers.

Las wiken ol bois bilong Hawks i bin lus long Duban Fox na long dispela wiken bai traim long winim ol gem long pilai insait long bowls fainol bikos sans bilong ol long kap fainel em aut.

Presiden bilong Madang Ragbi Lig, Willy Wii, i tok ol ragbi lig sapota long Madang i mas go sapotim dispela pri sisen nains fainel bikos Madang i wok long soim gutpela gem na i opim ai bilong ol arapela bikpela senta insait long Digicel Nesenel Supa Nains Resis pinis.

Em i tok olsem bihain long pri-sisen nains bai ol i go insait long propa sisen na em i givim bikpela tok tenkyu i go long Memba bilong Madang, Nixon Duban husat i save sapotim propa sisen long Madang ragbi lig.



Resis long Alex McKinnon Kap i hot taim Newcastle Knights na St George Illawarra Dragons i pilai egensim wanpela narapela.

ALEX McKinnon bai sindaun long saitalain long dispela Sarere na lukluk long tupela NRL klap bilong en, Newcastle na St George Illawarra, i pilai egensim wanpela narapela long trofi i gat nem bilong em.

McKinnon i bin stat pilai wantaim ol Dragons, we em i bin pilaim tripela NRL gem long 2011 bipo em i muv i go long Newcastle na pilaim 46 moa fes gred pilai.

Long Mande, tupela klap i tokaut olsem ol bai pilai olgeta yia long Alex McKinnon Kap, na bikpela resis bai kamap olgeta taim ol i pilai egensim wanpela narapela.

Ol stori na poto i kam long ABC



Ol North Queensland Cowboys i winim Penrith Panthers 30-10 taim Matthew Wright i skoim hat trik.

JOHNATHAN Thurston i bin pilaim top klas ragbi lig na go pas long ol North Queensland i winim Penrith wantaim 30 - 10 skoa.

Em i bin pilaim wankain strongpela pilai olsem dispela las Mande nait egensim Melbourne, na olgeta 5-pela traim sait bilong en i putim na win, Thurston i bin mastamain pialia.

Tasol pilai i bin lukim sampela hevi tu taim vidio referi i bin stopim tupela trai bilong ol

Penthers na ol Cowboys i bin awodim wanpela traim, maski ol opisal i bin tok no gat long en.

OL Cowboys i bin lus long tripela gem na sapos ol i bin lusim dispela, ol bai dai bihain long 5-pela raun. Tasol nau, ol i stap long top 8-pela tim wantaim tu ol Panthers, na wanpela taim gen, tok tenkyu bilong ol Cowboys i mas go long Thurston.

West's Tigers i winim Parramatta Eels 22-6 bihain ol i skorim tripela trai long fainel 9 minit.

OL West's Tigers i bin skorim 18 poin long las 9-pela minit bilong NRL gem egensim Parramatta we planti pilai bilong em i bin kisim bagarap na skorim 22-6 win long Olimpik Stadium long Sydney.

Ol Eels, i bin pinisim pilai na go pas wantaim 6-4 taim Veteran fowed em David Gower i bin pilai long senta inap long namba 70 minit taim James Tedesco, Pat Richards nadLuke

Brooks i helpim long silim tupela poin long dispela join ventsa.

Pilai namel long tupela sait i bin strongpela na pastaim long haf taim, na long haft aim, sko i bin sanap long 8-0 we ol Eels i go pas.

Tasol ol Tiges i bin go pas taim ol Eel i wokim ol mistek na fulbek James Tedesco i ran abrusim Chris Sandow, haf bek bilong Parramatta na skoa.



Cronulla youngpela gan, Jack Bird, bai kamap wanpela sta bilong NRL, kepten bilong ol Sharks, Paul Gallen i tok.

EM i gat 20 krismas, pilaim tasol wanpela NRL gem, i gat sik ataraitis, Jack Bird bai i sta bilong NRL long planti yia, kepten bilong Cronulla, Paul Gallen i tok.

Bird i bin pilai gut stret long gem egensim Sydney Roosters long Sunday, we em i bin skorim tupela trai na helpim ol Sharks long kirap no gut winim 20-12 long Sydney Football Stadium.

Ol i bin kisim Bird long ol lokel birua tim, St

George Illawarra long of sisen pilai. Bird i save kipim em yet i fit long ol injeksen em i save kisim olgeta potnait we i kostim \$28,000 long wanpela yia.

Foapela krismas i go pinis taim Bird i bin wanpela gutpela junia pilaia wantaim Dragons, Gallen i bin stap insait long fanresing bilong helpim peim tritmen long sik bilong en, nan au em i amamas long lukim em i joinim Sharks na i pilai gut i stap.

Ol wiken spot long pota

Ol poto: Nicky Bernard



SAVE LUKIM DISPELA?: Bos em i wanpela man dok bilong pilai na harim tok. Em i pilai wantaim tupela poro bilong em long skipping rop. Em i holim wan sait long maus bilong em na poro bilong em Mickaila i holim wan sait taim narapela susa i wok long kalap long Gordons Polis Bareks.



MAKIM GUT: Disabiliti pilai bilong Mosbi i makim gut tru lain bilong em long troim bal long bowling sempionsip bilong ol man long Mari Bareks Bowling Klab long Mosbi.



MIPELA I REDI: Tupela pilaia bilong Isapea na Vipers i holim liklik trofi bilong Digicel long soim olsem ol i redi long Digicel Kap bai stat klostu taim.



Tura i go raun long Bomana long wiken, planti ol liklik pikinini gat sans long lukim em.



MASKI PAUL PAUL: Pilaia bilong Oro FC i traime hetim bal tasol em i paul taim ol i kism Admiralty FC long NSL pilai bilong ol long Mosbi. Tupela tim i dro 2-2.



TIM ISTEN HAILENS. Ol i winim mens taitol long bowling long wiken long Pot Mosbi.



IMPROVED TASTE! Niupela teist wantaim planti mit na oil. Teistim na bai yu laikim moa yet.

DIANA Tuna



Emi tuna
bilong PNG

PROUDLY
PNG
MADE

Manufactured by



RD Tuna Canners Ltd.

Moa mit na
oil insait



TUNA IN OIL

Hawks meri sambai long Meya's Kap nains fainel



Strongpela tim ya !

WANPELA stail nupela tim bilong ol meri Edmin Kompaun long Madang taun ol i kolim ol yet Niugini Eletrical Hawks i soim tru olsem ol i stap long fom stret na stail taim ol i winim olgeta gem bilong ol las wik.

Na long dispela wiken, bai pilai insait long fainol bilong Madang Taun Meya Kap long ragbi lig pri sisen. Dispela tim em ol yangpela meri bilong kain kain hap bilong PNG husat i save stap long Edmin Kompaun long Madang i kamapim, na i kisim gutpela sapot na sponsa i kam long Niugini Electrical.

Long dispela wiken, ol dispela stail meri bai putim stret olgeta pawa bilong gem taim ol i bungim New Town Panthers long fainel bilong kap resis bilong ol meri long Ron Albert ragbi

lig pilai graun long Madang taun.

Planti ol dispela yangpela meri i save pilai soka bikos Edmin Kompaun em asples bilong Momase soka klap we i kamapim planti ol nesenel pilaia bilong PNG.

Tasol ol dispela resa meri i go insait long spot bilong ragbi lig na tru tumas ol stap long fom na stail stret long bagarapim sindaun bilong ol arapela meri.

Long las wiken Hawks i bin pilai gut tru na bagarapim sindaun bilong Cowboys 16-4. Sampela ol pilaia bilong Hawks husat i kamapim gutpela pilai long dispela taim em Dinah Awele, Claudia, kepten yet Ladyann Pondi na Bathsiba Nicky. I gat ol arapela stail meri bilong pilai tu i stap long tim.

...lukim moa long pes 26



PMV

DIESEL
OIL



**BOROKO
MOTORS**

PORT MORESBY	☎	325 5255
LAE	☎	472 1144
MT HAGEN	☎	542 1933
TABUBIL	☎	649 9048
KIMBE	☎	983 5035
MADANG	☎	422 2659
KOKOPO	☎	982 8193
GOROKA	☎	532 3552

Email: info@borokomotors.com.pg
Website: www.borokomotors.com.pg

PMV OIL BILONG YUMI